

إطمئن

أحمد علي

عنوان الكتاب: إطمن

المؤلف: أحمد علي

تصحيح لغوي: سارة صلاح
الإخراج الداخلي: رشا عبدالله
تصميم الغلاف: إسلام مجاهد

رقم الإيداع: ٢٠١٨/٢١٨٧
ردمك : 4-49-6549-977-978
الطبعة الأولى: يناير 2018

المدير العام : هاله البشبيشي
المدير التنفيذي : شريف الليثي



دار تويبا للنشر والتوزيع



dartoya2015@gmail.com



Dar.toya للتوزيع والنشر



@Dar_Toya



Dar.toya



(+2) 01066444204 - (+2) 01000706014



٣٥ شارع النصر - المعادي - القاهرة - مصر


جميع حقوق الطبع والنشر محفوظة للدار

إِطْمَئِنِّ

"دي الكلمة الحلوة بتزرع في القلب وروده"


أحمد علي

دار توبيا للنشر والتوزيع



إهداء

النَّصَّ ده للمؤمنين بالحياة والنَّفْس والتغيير
لـ كُلِّ الي خارج من تجربة استهلكت الحلو الي فيه
لكل واحد بيتمشى في بلكونة أوضتهُ
وأصبح مصَّاب بفوييا البني آدمين
لـ الناس الي بتراقب ربنا خوف
لـ المؤمنين بعدم المستحيل والمغرمين بالحُب والسهر وشرب القهوة في آخر
الليل
لـ الناس الي بتتأمل وتعشق التفاصيل
لـ الناس الي بتهادي الورد بدون أسباب
لـ كل الي خاف يسيب وفجأة إتساب



ولا يهملك..

يعني ما تخافش ما تستسلمش لأنك أقوى من كل اللي بيحصل جنبك.. أقوى من إنك تتهزم وبيان ضعفك، ونفوس مريضة وضعيفة تفرح فيك وتبقى حققت حلمهم لما يئست، ولا يهملك لأن معمول حسابك، مش من الناس، افرح ده اللي عامل حسابك في كل لحظة عشتها وعایشها وبتعيشها هو ربنا، افرح لأنك مش هتكون منسي أبدًا مهما حصل وانت محتاج اللي ينجيك مش يسيبك وانت في أمس الحاجة إليه، صحيح يمكن الدعا اللي بتدعيه اتأخر شوية، يمكن حاسس إن دعاك بقى مش مسموع، وبدأت تحس بهلل، بس بطمنك إنك في نعمة كبيرة أوي مش كل الناس بتقدر تنولها أو تحافظ عليها لفترة كبيرة زيك، يا بختك إنت عندك نعمة التحمّل والصبر.


ولازم تفهم إن كل الدعا اللي دعيتة، ربنا طبطب على قلبك في نفس اللحظة وفتح بيان السما، فُدام دعوتك اللي كنت بتدعيها وانت فاقد فيها الأمل إنها تتحقق أو تتسمع حتى.

عارف اللحظة اللي بتقول فيها "يارب" أنا مش قادر أوصفك كام عدد الملايكة اللي بتسكت أول ما انت تقول يارب وتتكلم.. مش عارف أوصفك قلق السما والحدّث اللي بيدور فيها بيكون إزاي من قولة "يارب".. إنت متخيل إن كلمة يارب بتهز حَمِلة العرش وتربك الملايكة، لأنك بتنادي على ربنا؟ طب أقولك حاجة أحلى من كل ده؟ مع قولة "يارب" ربنا بنفسه بيذكر اسمك ويباهي بيك الملايكة إنك لجأت إليه.. لما تقول "يارب"، قول بعدها كل طلباتك وكل اللي بتحلم بيه وتتمناه، ولا يهملك لأن ربنا سمعها وسجلها وهو مبسوط بعودتك وراضي عنك إنك كلّمته عن مشكلتك وقالك حاضر بس إنت ما ركزتش أو كنت مشغول ومش واخذ بالك بإن القدر ياما طبطب عليك ونجاك.. قالك حاضر على دعوتك، وعلى شكوتك لما لجأت إليه، وبقسّمه العزيز قال "وعزتي وجلالي لأبني لك طلبك، وعزتي وجلالي لأدبر لك أمرك"، إمتى وكيف وإزاي، إحنا كبشر ما نقدرش نتخيلها، بس بكل يقين، نتحصل في وقت إنت هتكون فيه في أمس الحاجة عن كده أضعاف ووقتها هتعرف إنك مش منسي زي ما كنت فاكِر، وقتها هتفهم إن المنع عنك كان حكمة مش حرمان، وإن ربنا ما حمّلكش فوق طاقتك زي ما كنت بتقول، وقتها هتحس بطعم الفرحة وانت بتتنصر على كل تخطيط البشر اللي كان طموحهم إنهم يئذوك ويهدموك، ونسيوا إنك لجأت لربنا، ربنا هيبهرهم بيك وانت بتضحك وانت قوي لأن قلبك بقى مزروع فيه اليقين، وقتها هتتفاخر إنك كنت بتدعي وما ملّتش، وهتعرف إن رصيدك كبر أوي وزاد عند ربنا، فخلّاك تشوف كل حاجة صُغيرة في عينيك الناس شايفها كبيرة، ولا يهملك، بس انت اضحك.

ولا يهملك؛ لأن حقك مش هيروح مهما سُفت بعينك إن كل الظروف اللي بتدور في حياتك بتقول إن خلاص حقك راح ومع الوقت اتنسي.

حقك مش هيروح..

مرة سيدنا موسى عليه السلام بيكلم ربنا ويقولُه "يارب، ألا تنام؟"، فربنا قال لسيدنا موسى: "عايز تعرف أننا بنام ولا لا يا موسى، روح عند الجبلين دول يا موسى" وربنا أوحى إليه.. فعلاً سيدنا موسى راح عند الجبلين فشاف هناك شاب قوي البدن طول بعرض بيشر من بير فيه مَيَّه، ووقع منه صُرة فيها فلوس، الشاب شرب ومشى، بعدها بلحظات، فات طفل صُغير لقى صُرة الفلوس فأخذها وجري، شوية وممر راجل كبير في السن عشان يشرب.. كل ده وسيدنا موسى بيتفرج، في نفس اللحظة الشاب افتكر إن الفلوس وقعت منه وافتكر إنها وقعت عند البير قَراح يدور عليها، لقى الراجل الكبير اللي هناك، قاله إنت اللي لقيت الفلوس؟ الراجل قاله: "لا". المهم كلمة من هنا وكلمة من هنا الشاب قتل الراجل الكبير ده، سيدنا موسى اتفزع وبصوت عالي قال "يارب حصلت مظلمة في الأرض، كده ظلم، الراجل مات ظلم يارب"، فربنا رد على موسى وقاله: "أيليق بأن أغفل عن حق أحدٍ من عبادي يا موسى؟ أيليق بالعدل أن يظلم أحداً في مُلكه، عرفت إن ما ينفعش أنام يا موسى؟ الفلوس اللي وقعت من الشاب دي ما كانتش ملكه ده كان أبوه سارقها من أبو الطفل الصغير وحقه رجعله لما لاقها يا موسى، والراجل الكبير اللي الشاب موته ما ماتش ظلم ده كان قاتل أبو الشاب بدون وجه حق وخذ جزاءه، ياموسى أنا لا أغفل عن حق، عرفت بقى إن حقك مش هيروح مهما حصل ومهما دارت الأيام والسنين، وكان في اعتقاد البشر إنه اتنسى، كما تدين تدان بحساب ربنا غير حساب البشر.. ولا يهملك لأنك في مُلك ربنا مش منسي إطمئن..



المسامح كريم

بقينا نسمعها كثير ونقولها أكثر لكن صعب فعلاً نطبّقها، يمكن لأننا بشر ولينا طاقة تحمّل، يمكن لأن حب الدنيا ومراقبتنا للناس زرعت حاجز الكبر جوانا وإننا نسامح في حقنا، يمكن سامحنا مرة واثنين وعشرة واتفهّمنا إننا ناس ضعيفة، يمكن البيئة والمجتمع والناس الي بنتعامل معاهم مش بيقدّروا معنى التسامح، كلها مبررات لأن الي ينزل مكانك القبر يوم القيامة ويتسئل مكانك هو ده الي ينفع يتعمل حسابه، لو هتسامح سامح ومش مهم هيتقال عليك إيه، لو هتسامح سامح عشان تتصف بصفة من صفات ربنا، لو هتسامح سامح عشان كلنا بنغلط، وكلنا نفسينا نتسامح، وزى ما اتظلمنا إحنا كمان ظلمنا.. سامح لأن الي باقي ما حدّش عارف هو أد إيه وممكن في أقل من لحظة تكون مفارق وجودهم أو هُمّا الي مفارقين دنيا البشر ووقتها هيفضل ذنب كبير أوي يطاردك على إنك اتأخرت.. مش مهم مين الي المفروض يبدأ، وانت بتقرأ كلامي دلوقت حالاً علّم الصفحة دي وقوم صلي ركعتين، وكلّم وسامح أي حد بينك وبينه مشكلة وانتظر الأجر والشكر من ربنا مش منه.. لو قبل الصلح

والتسامح يبقى يا بختك هتنام وانت مطمئن، ولو رفض يبقى يا بختك مرتين لأنك سعيت للخير وربنا كتبها لك، مش كده وبس لأ ده كمان هيعوضك فيها، في كل الحالات إنت الكسبان في المشهد، ووقتها تقدر تنام وانت متطمئن وحاسس إنك عملت اللي عليك وزيادة، إنت بس خُد القرار وهتلاقى تساهيل ربنا والله بتبان قدامك في الموضوع، إنت نفسك هتستغرب إزاي اتصالحنا وبقينا تمام بمنتهى البساطة دي، شوف الناس دي.. ويارب وأمنى إنك ما تكونش منهم:

بنت قالت إنها فضلت متخاصمة مع صاحبها أربع سنين وجه اليوم اللي قررت فيه تروح تصالحها، فضلت ترتب في كل الكلام وكل العتاب وف أذان الفجر سمعت اسم صاحبها بيتنادى عليه في المسجد، من الصدمة كانت هتتشل، فضلت تعيط وتقول ياريتني صالحتها من تاني يوم اتخانقنا فيه.

"ولد فضل يحب بنت 6 سنين دايماً كان بيخاف ويتردد إنه يقولها وكل تفكيره إنها هترفض، ويوم ما قرر يستجمع شجاعته ويروح عشان يتقدم لها عرف إنها اتجوزت وسافرت مع جوزها، إتجنن عشان يوصلها وبعثها رسالة قالها فيها "أد إيه كان بيحبها وأد إيه كان نفسه يسعداها" ..

وكان ردها اللي هو ما توقعهوش إنها كمان بتحبه وكانت مستنياه طول الوقت ده بس خلاص الوقت فات وهي بقت ست متجوزة.. بسبب الكلمتين دول جاله اكتئاب وكان هيموت من الندم إنه اتأخر. قال ياريتني كنت رحتلها من زمان..

واحد اتخانق مع أمه وسابلها البيت ومشي أربع شهور لا يعرف عنها حاجة ولا هي تعرف عنه حاجة، ويوم ما قرر يحن عليها ويرجعلها، أهل المنطقة قالوا له إنها ماتت من حسرتها وقلقها عليه،

جري زي المجنون على قبرها وقف قدامه يعيط بالساعات ويقولها
"ارجعي دقيقة واحدة أصالحك وأحضنك فيها، أنا نفسي أشوفك".


الفكرة:

إننا بنضيّع سنين وناس بنحبهم عشان بنخاف من رد الفعل أو
كبرياءنا بيمنعنا أو عشان 1000 سبب مالهوش لازمة..

انطقوا واتحركو واتكلموا وقولوا اللي جواكم قبل ما الوقت يعدي
والعمر يفوت..

عابوا وانسوا.. سامحوا واصفوا، وصّفوا نفسكم من جُؤه عشان
الناس قلوبها تصفى لكم وتحسوا نعمة الحياة، اللي ربنا سماها
الحياة عشان نحيا فيها، مش عشان نتخاصم ونبعد فيها عن بعد
ونهيّن ونجرح بعض، على رحلة مهما كان الوقت فيها مسيرها تنتهي؛
فياريت لما وقتنا فيها ينتهي بالخير والسيرة الحلوة، والأثر
الموجد بين كل الناس اللي اتعاملنا معاهم في يوم من الأيام، وقتها
عمرك ما هتتنسي، ولا هتغيب، وهتفضل سيرتك كالورد اتفق البشر
على حُبّه.

الزعل والله بيروح بكلمة حلوة.. بضحكة صافية جواها خير ورضا..
بلمسة إيد فيها صلة رحم وبتحسّس بالأمان أو بحضن بينسيّ وجود
الي وحشونا وحصّنهم التراب ولو لمدة دقيقة..



تفاعـل

ضيف لحياتك نعمة جديدة واستخدمها بس بجد..
وشوف الحياة بعيون الأمل ونظرة إيجاب..

وخلي الرضا يملأ قلبك وحياتك جزء غير ناس كتير أوي فيه، وفي نعمة مش عارف قيمتها لأنك متعود على وجودها مش مشكلة قلة المال معاك، لأن ربنا له حكمة في ده، وما تزعلش لو اترفضت في شغل إنت بتحلّم بيه من وانت صغير، لأن ربنا شايف مصلحتك في حاجة تانية خالص لسه عقلك ما قدرش يوصلها لكن معمول حسابك فيها، ما تزعلش لما تتصدم في رد فعل من شخص قريب لأن ربنا بيكون قاصد يعرفك إن مفيش حد أقرب منه ليك، ما تقولش لربنا ليه أنا يارب كذا وكذا وتشتكي بعدم الرضا، شوف القصة دي وشوف حالك من حال غيرك.. ما يغرکش المظهر المبهج من برّه، ما تفرحش بكام ضحكة صاحبها بيضحكها عشان يداري فيها دموع الوجد والكسرة، وانت فاكّر إن الحياة بالنسبة له مبيي. قبل ما تعترض، تدبّر وشوف نفسك إنت عملت إيه عشان يكون الكون مسخّر ليك كده بكلّ النعم دي، وفي النهاية لسه زعلان، نعمة الرضا هتوصلك لأعظم مرحلة في حياة البشرية وهي: "السلام الداخلي، والتصالح النفسي مع

الروح"، هتحس إنك مالك الكون ومش خايف من بكرة ومتضمن أوي جداً. ممكن تشوف القصة دي بقلبك، ومن بعدها تبدأ التصالح النفسي وتكتشف علاقتك بربنا وتحمده على كل حاجة إنت فيها وقادر تستخدمها في حياتك، واونى تبطل دُعا مهما حصل، الدُعا اللي بتدعيه ده هو اللي بيحافظ على كل حاجة وياك ومِلكك.. الدُعا هو الهوا الحقيقي اللي بتتنفسه وتتحسسسه في كل تفاصيل حياتك اليومية، من ستر ورزق وفرح وغيره.

يقول أحد الشباب:

- أعمل بإحدى المستشفيات بإحدى المدن وقاربت فترة دوامي على نهايتها، أبلغني المشرف أن شخصية اقتصادية تتعامل بمئات الملايين في الأسهم قادم وعليّ استقباله وإكمال إجراءات دخوله. انتظرت عند بوابة المستشفى، راقبت من هناك سيارتي القديمة جداً، وتذكرت خسائري الكبيرة وأقساطي المتعددة، وعندها وصل الهامور ليكمل مأساتي، حيث حضر بسيارة أعجز حتى في أحلام المساء أن أمتلك مثلها، يقودها سائق يرتدي ملابس أغلى من ثوب الدفة الذي أرثديه..

دخلت في دوامة التفكير في الفارق بين حالي وحاله مستوأي ومستواه (شكلي وشكله)، وقُلْتُها بكل حرقَة ومنظر سيارتي الرابضة كالبعير الأجرَب يُوجج مشاعري: "هي دي عيشة"؟

عموماً سبقته اللي مكتبي وحضر خلفي وكان يقوده السائق على كرسي متحرك، رأيت أن رجله اليمنى مبتورة من الفخذ، اهتزت مشاعري وسألته: عندك مشكلة في الرجل المبتورة، أجاوب: لا..


قلت: فلماذا حضرت يا سيدي، قال: عندي موعد تنويم قلت:

ولماذا؟

نظر إليّ وكنم صوته من البكاء وأخفى دمعة حارة باغتمته، وقال:
"ذبحتني الغرغرينا، وموعدي هو من أجل بتر الرجل الثانية".

عندها أنا الذي أخفيت وجهي وبكيت بكاءً حارًا، ليس على
وضعه فحسب بل للكفر بالنعمة الذي يصيب الإنسان عند أدنى نقص
في حاله.

نسى كل نعم المولى في لحظة ونستشيط غضبًا عند أقل خسارة.
تحسست قدمي وصحتي فوجدتها تساوي كل أموال وسيارات
العالم.



خايف من بُكرة

فيه ترتيبات كثير أوي وحسابات لما בניجي نحسبها بالمنطق بنفسل..

طبعا إنت دلوقت زعلان وربما تكون مكتئب وحزين..

عايز تشتغل شغل كويس، مبرتب محترم..

لأ لأ خلاص فهمتك..

عايز يكون معاك رأس مال كبير وبتتحرك بيه في أكثر من تجارة..

عايز تتجوز ويكون عندك أولاد عايز تأمن مستقبلك خايف من
الأسعار أو التغييرات اللي بتمر بيها يوميًا..

لحظة من فضلك، كل ده هو سر زعلك واكتئابك؟

لحظة من فضلك..

إنت إزاي يجيلك نفس تزعل واللي متولي أمرك ربنا؟!!

أنا عايز في اللحظة دي لو جُوه أوضتك أو واقف في بلكونتك أو
حتى في شغلك، أيًا كان المكان والتوقيت، اعزل نفسك عن فكر العالم
خمس دقائق بس هاخذ من وقتك الخمس دقائق اللي جاين دول
اسرح فيهم بخيالك كده، وافتكرك كام واحد من صحابك أو جيرانك أو

من دفعتك مات وانت لسه حي، بلاش دي.. كام واحد إنت شُفته بعينك مُبتلي بالمرض وبقي عنده متلازمة سرير النوم وانت لسه قادر تتحرك في كل مكان؟ طيب بلاش دي خالص، كام واحد إنت تعرفه حالك أفضل من حاله؟ طبعًا كتير وانت عارف كويس ربنا فضلك وكرمك عن غيرك بإيه، طب قول كده: "الحمد لله على كُل نعمة أنا عارفها أو مش عارفها يارب".. قول تاني كده: "الحمد لله على إني قادر أكلّمك وأحكيك لمشاكلي ومتطلباتي يارب".. وقتها هتعرف إن بكرة ده ولا يسوى أي حاجة في مُلكه، وإنك فعلاً حارم نفسك الحرمان الحقيقي من الدنيا لما سبّت الملل سيطر عليك بحِجة بكرة وخوفك من اللي فيه، اتوكل على ربنا من قلبك وفي كل تصرفاتك، لأ لا مش بالكلام، من جواك بجد أنا عايزك تتحسس وجود ربنا في حياتك فاهم؟ أبسطها لك؟:

تحسّس وجود ربنا، يعني افتكر كده كام مرة كنت هتموت وفي آخر لحظة ربنا نُبّهك..

كام مرة كنت في كرب شديد وُقّلت يارب، فَمِن الكرب عداك.

كام مرة كنت هتتظلم وفي آخر لحظة نَجّاك.

كام مرة كان نفسك في حاجة وربنا بيها رضاك.

ربنا دايماً في كل لحظة جنبك ومعاك بس إنت مش عارف تتحسس ده، أو يمكن بيغيّب عنك لحظات الضعف، لازم تكون متأكد إنك لو غبّت عن ربنا لحظة زي ما إنت أوقات كتير بتقول كده أو بتفهم عدم استجابة دعاءك كده إنت في نفس اللحظة هتكون منسي في مُلك ربنا وإسمك بقى مُدرَج في كشوف الموتي المحرومين من أكبر نعمة في الكون وهي نعمة الحياة.. إزاي منسي وانت معمول حسابك من الهواء؟ إزاي ربنا مش بيسمع دعاءك وانت مع كل مشكلة بتعدي يمكن في اعتقادك إن نجاحك أو تخطيطك هو اللي نَجّاك من المشكلة

أَوْ قَدِرْتِ تَوْصَل لِحَلِهَا بِسِ الْحَقِيقَةِ هُوَ تَوْفِيقُ رَبِّنَا الَّذِي أَوْحَاكَ كُلَّ
دِهْ أَوَّلًا وَأَخِيرًا.. خَلِيكَ مَعَ اللَّهِ، وَبِكِرَةِ دِهْ مَشْ مَلِكِكَ وَلَا لِيكَ فِيهِ
حَاجَةٌ؛ فَمَنْ بَابِ أَوْلَى اِهْتَمَّ بِالَّذِي مَعَاكَ، اللَّهُ أَعْلَمُ بِكِرَةِ إِنَّتِ هَتَكُونِ
فِيهِ وَلَا لَأ..

افرح بكل لحظة بتعيشها واستغلها صح لأن اللي بيفوت من العمر
ما بيرجعش، وكلمة يا يرتني ما بتشفعش.

شوف كده الناس دي ما كانتش بتشيل هَمَّ بكرة لأنهم متأكدين
إن ربنا مش هيسيبهم أبدًا لا بكرة ولا بعده، شوف ربنا عمل إيه مع
الناس دي.

لَمَّا هَاجَرَ الرَّسُولُ صَلَّى اللَّهُ عَلَيْهِ وَسَلَّمَ مِنْ مَكَّةَ لِلْمَدِينَةِ أَخَى بَيْنَ
الْمُهَاجِرِينَ وَالْأَنْصَارِ، يَعْنِي جَمَعَ كُلَّ وَاحِدٍ مِنَ الْأَنْصَارِ وَأَعْطَى نِصْفَ
مَا يَمْلِكُ لِلْمُهَاجِرِينَ.

وكان من ضمن المهاجرين "عبد الرحمن ابن عوف" وأخوه من
الأنصار "سعد بن الربيع" الذي عرض عليه نصف ماله وإحدى
زوجاته.

تفتكر "عبد الرحمن ابن عوف" وهو خارج من مكة كان عارف
بكرة فيه إيه؟ طيب تفتكر كان خايف من بكرة؟ "عبد الرحمن ابن
عوف" كان متطمئن أوي جدًّا؛ لأن بكرة ملك الكريم اللي ما بيحرمش
حد لجأ له.

فعبد الرحمن ابن عوف بكل رضا رد عليه وقال له: "بارك الله
لك في مالك وفي زوجاتك ولكن دلني على السوق".

فذهب إلى السوق فباع واشترى ثم باع واشترى حتى أصبح من أغنى أغنياء المسلمين حينها، يقال بأن قوافل "عبد الرحمن ابن عوف" لما كانت تدخل المدينة كانت تهز المدينة هزاً من كثرتها وعديدها.

لسه خايف من بكرة؟ طيب تسمع عن واحد اسمه "جاك ما"؟

جاك هو أغنى رجل في الصين.. جاك بيقول إن فيه ثلاث نقاط هُما سبب خوف الإنسان من بكرة وفشله.

الأمر الأول: بُعد اليقين الإيماني، هو لمجرد ظهور فرصة حقيقية، الإنسان مش بيشوف غير الأهداف القريبة فيها ويس.

والأمر الثاني هو: عدم التمعن في نقاط قوة الفرصة وإزاي يستغلها.

والأمر الثالث: عدم الفهم في توسيع الفرصة في نقاط جديدة.

مَن هو "جاك ما"؟، ما هي قصة نجاحه؟، بعد فشل طال وقته كيف أصبح غنياً بعد أن كان أفقر أهل الصين حينها؟

"جاك" ما هو مؤسس شركة اسمها شركة "علي بابا"، أكبر شركة في الصين في إدارة التجارة الإلكترونية.

اتولد في مدينة هانجشتوا في الصين، المدينة دي تقريباً كان فيها 2مليون ونصف نسمة، الرقم ده للصين كأنها قرية في مصر مثلاً، المهم من وهو عنده 12 سنة بدأ يتعلم اللغة الإنجليزية فاتعلمها إزاي بقى؟ كان عنده عجلة وكان فقير جداً، كان بيركبها كل يوم لمدة 40 دقيقة ذهاباً و40 دقيقة عودة على مدى 8 سنوات ليصل إلى فندق حتى يحتك بالسائحين ليمارس اللغة الإنجليزية، يقول جاك في "صحيفة نيوز" فيما بعد: "إن ما تعلمته في الحياة مختلف تماماً عما تعلمته في الدراسة والمدرسة"، جاك، فشل مرتين في اختبار قبوله في الجامعة فاضطر إنه يقدم في جامعة ثانية يذكر أنها أسوأ جامعة في النظام

التعليمي عشان يقدر يدخلها، وبالفعل لما دخل الجامعة اتعلم من فشله وبدأ يستغل الفرصة ويستثمرها أشد أنواع الاستغلال والاستثمار، ولما وصل لمرحلة التخرج وقع الاختيار عليه من بين 500 خريج من نفس الدفعة ليقوم بالتدريس في الجامعة لما يملكه من مهارات أثبتتها خلال فترة تعليمه في الجامعة، وكان المرتب الشهري وقتها حوالي 10 أو 12 دولار شهرياً، دي كانت بداية "جاك ما"، اللي أصبح من أغنى أغنياء العالم فيما بعد.

كانت أمنية جاك وهو في الجامعة إنه يتخرج ويشغل موظف في فندق، وبالفعل تقدم لعدة وظائف/ ولكن كانت تبوء بالفشل والرفض، وأثناء تدريسه في الجامعة بدأ يحسّن من دخله عن طريق إنه يكون مندوب مبيعات لشركة أدوية، وطبعاً فشل في الوظيفة دي هي كمان، إحنا بنتكلم في سنين كثيرة من عمر إنسان ما حققش فيها غير الفشل لكن لم يستسلم وأصرّ على إنه يكون له سيرة ذاتية وسط العالم تخلو من الفشل ويذكر فيها النجاح الحقيقي والتغيير الجذري المتعارض مع المنطق البشري، في عام 95 سافر جاك الي أمريكا في شركة صينية بشريك أمريكي وطبعاً الشركة اتنصب عليها وقفلت، فقرر جاك إن يصمم موقع ترجمة بسيط للشركة الي كان هيشغل فيها، وطبعاً طلع التصميم سييء للغاية، وعند انتهاء التصميم قرر إنه يرفع البرنامج وبالفعل كانت الساعة 9 صباحاً، في تمام الساعة الخامسة من مساء اليوم، استقبل جاك خمس رسائل بريدية، وأدرك المنجم الحقيقي لفكره وقدرته. بعد عودة جاك من الشركة استقال واقترض من أقاربه وجيرانه وأصدقائه، اقترض من أي شخص كانت تربطهما علاقة، ليقنعهم أن يقرضوا 2000 دولار لتأسيس شركة إنترنت، لتأسيس موقع وسمى الموقع صفحات الصين. في شهر إبريل من عام 95. أطلق بالفعل الموقع، وقتها كان جاك جاهل بكُل ما له علاقة

بالكمبيوتر أو البريد الإلكتروني، حتى إنه لم يلمس لوحة كمبيوتر حتى الآن، لدرجة أنه وصف نفسه بالأعمى الذي يركب نمر أعمى هكذا كانت بداية جاك في تصميم برامج النت في الشركات الصينية، وكان منافس جاك شركة الاتصالات الصينية الحكومة تنافس معها تقريباً سنة ثم عرض مديرها العام استثمار 185 ألف دولار مع شركة جاك فوافق جاك لضخامة المبلغ، وطبعاً جعل نسبة الشريك تفوق نسبة جاك فجعل أفكار جاك ترفض بناء على قرار مجلس الإدارة حتى اضطر في النهاية إنه يستقيل من شركته الخاصة.. الروتين هو مقبرة كل المبدعين فلا تقترب من أصحاب الروتين.. فقرر جاك إنه يعلمنا درس جديد في التحمل، وإن فشله زاده نجاح أكثر وأقوى من الأول وهو رفض الدخول في شراكة تفقده حق الإدارة، وبعدها قبل العرض بأن يعمل في العاصمة بكين ويدير مجموعة من أكبر الشركات الحكومية في التجارة الإلكترونية بالعاصمة بكين.

المشوار كان طويل جداً مع جاك حتى أصبح أغنى رجل في الصين. شاهد القضية بأن الفرق بين الخيال والحقيقة هو قرار التنفيذ، واستغلال الوقت الحالي بما تملكه من إمكانيات، خوفك من بكرة يضيع أي حاجة حلوة إنت بتملكها في يومك ويقلل نسبة تحمسك، وبيكون أقرب طريق ليك من خوفك هو الكسل وبيوقف عقلك عن التفكير في إنك تتج فكرة جديدة، فبلاش تروج للجانب المظلم ده وشوف إنت عايز إيه وابدأ واعمله فشلك في المرة الأولى ده يُعني إبداعك في المرة القادمة وإظهار الجانب الإيجابي فيك ده معناه ثققت في الله وفي نفسك وهُما دول اللي هيوصلوك للنجاح..

ما تخافش من بكرة واطمئن..

من وسط الناس!

هتقابل ناس في حياتك ماشيه مبدأ: "أنا لا هزعل ولا هعاتبك ولا هلوم على تقصيرك وعدم اهتمامك، بس هترجعك غريب تاني من الأول".

وانت بنفسك بتحس إن وجودك مش ملحوظ، هتقابل ناس وقت الغلط فيها بتسكت وبتتمالك أعصابها وبترد على غلطك بنظرة وتسبيك وتمشي لأنهم عارفين إن العتاب بيكون لولاد الناس وبس، هتقابل ناس في حياتك مهما كان درجة قُربهم منك فية أسئلة معينة عمرهم ما هيسألوها مرعاة لمشاعرك، طول ما إنت عايش هتقابل الكويس والوحش بس الجدع الي يفوت ويعدي الوحش من حياته، لأن حياتك وأعصابك ونفسك ما يستاهلوش منك إنك تهينهم أو ترهقهم مع ناس مش قادرة تقدر ولا تفهم وجودك جنبهم ده معناه إيه؟ بساطة إنت ليه بتدقق أوي كده، وبتاخذ كل حاجة حصلت كأنها آخر الكون؟ كأنها حاجز بينك وبين الحياة والفرحة؟ إنت ليك عُمر واحد فمن فضلك عيشه بالطريقة الي ترضي بيها نفسك أولاً وأخيراً..

طب والناس؟

هتتسأل قُدام ربنا وحدك..


فَلَيْهِ تَضِيحُ سنين عمرك في أماكن غلط، وليه تهمل الركن الحلو اللي جواك، وتخلي قلبك ينشف من الوجد والأسى، وتشوف المشهد من نافذة غطاها التراب، فتتعدم الرؤية الحقيقية لجمال الحياة؟ أنا وانت وكلنا زي ما سبنا إتسابنا، وزي ما ظهر في حياتنا ناس وحشة، إحنا كمان كُنّا في يوم من الأيام في حياة غيرنا وحشين، لو فضلت تحسبها واحدة بواحدة هتلاقى نفسك خسران أوي قُدام كرم ربنا وستره عليك، لو فضلت تحسبها غلطة بغلطة هتلاقى نفسك أكثر واحد مقصر مع اللي معاك وأول الناس دي هُمّا أهلِكَ.

طب أعمل ايه؟

هَفقرك بحاجة، لما بتدخل “Brande

تشتري لبس وتقرب من اللبس تقريبًا بتتعب من الألوان وفي الغالب مش بتقدر تحدد اللون المناسب ليك وقتها، فبتكون مضطر إنك تبعد دقائق وترجع من جديد، الفترة دي عينك فيها بتتراح من درجات الألوان وبترجع بكامل تركيزك من جديد، إحنا كمان محتاجين نعمل في روحنا وفي حياتنا كده، محتاجين نبعد عن الدوشة، عن التفكير، عن كل الوجد والإرهاق.. محتاجين نبقى مع روحنا فترة وجيزة نحدد فيها موقعنا ودرجة اهتمامنا من غيرنا، ونعيد فيها ترتيب أولوياتنا وحساباتنا، عشان نرجع بكامل قوتنا، نرجع وإحنا مطمئنين ومرتاحين نفسيًا وإحنا مخططين للحياة اللي هنمشيها وإحنا مرتبين طريقنا ومُش ضايعين بين التفكير والقرار، ووقتها هنقدر نشوف الحياة كما ينبغي، المشكلة فينا إحنا.. إحنا اللي بندي للناس أكثر من الطبيعي وبنزعل لما يشوفوا نفسهم كثير علينا، وبنهتم بالحاجة التافهة من خلاف لحد ما تكبر وتكون نقطة انفصال وبعُد بينا لأننا

ما اتعودناش إننا نسامح ونطمئن بعض.. إحنا اللي مش بنعرف نعدي ونفوّت لبعض، وإن حصل، بنشيل الموقف لبعض ونفتكره مع كل مرة واحد فينا بيكون محتاج اللي يعديله مش يعايره من غير ما يفكره بحاجة قديمة وانتهت من زمان، الزعل بيعجّز بدري، والكلمة الحلوة بتزرع ورد في القلب، وتخليه متطمئن، تقريبا كلنا محتاجين نتطمئن، فمافيش داعي للزعل لأن العمر مش قابل للتجديد، والكون مليون كآبة فليّه نزودها إحنا كمان؟ قربنا من بعض بيهوّن، بيهوّن أي مشكلة، بيهوّن الوحدة، بيهوّن أي أزمة ويخلينا نتصر عليها، بيعدينا مرحلة الخوف اللي بنوصل بعدها للأمان الحقيقي والاستقرار، لو زعلان من حد إنت اللي غلطان أو هو اللي غلطان فوراً برسالة أو مكاملة أو انزل قابله، اللي باقي مش كتير واللي عند ربنا مستجيب يروح أو يتنسي، هتلاقيه بيتردك في حياتك قبل مماتك.. إفرح وفرح غيرك، أنا متأكد إن قلبك كبير وإنك هتفتكر الحلو اللي حصل بينك وبين الشخص اللي زعلان منك وبس.. هتفتكر الحلو لأنك سوي ونضيف من جواك..
كمل الصورة بقى واطمئن..



بعد مُدة

أنا عارف إنك مخنوق وزعلان من فترة، حاسس إن كل حاجة بتحتاجها مش بتحصل، وكُل اللي بتحلم بيه في الحقيقة يقرب منك، أنا عارف إنك دلوقت شايف الدنيا سودة أوي في وشك ومخنوق وحاسس بملل وضيق ووجع في القلب أنا مع في كل ده، أنا عارف إن سنك بيكبر والملتطلبات بتزيد والحِمل بيتقل واحدة واحدة وماحدش بيساعد وياك، أنا عارف إنك قربت توصل لمرحلة اليأس وخلص على الأبواب، فيه ناس من سنك حقت كثير ودا تابعتك نفسيًا، مش من باب الحقد من باب عدم رضاك على نفسك.. وانتِ عارف إن فيه بنات من سنك اخرجت واشتغلت، وبنات اتجوزت وخلفت، وانتِ لسه في نُص الطريق، كل ده طبيعي ومنطقي جدًّا في حكمة ربنا، فاكرين سيدنا النبي لما اتولد يتيم؟، طيب بلاش دي.. فاكرين لما كبر شوية يعني ابن شهور وأمه ماتت؟ بلاش دي كمان، طيب لما بدأ يدعي للإسلام/ فاكرين كان بيثيل عنه الأذى عمه أو طالب، أهو عمه هو كمان مات، كل الناس اللي كانوا ساندين سيدنا النبي قبل ما حد يأمن بيه ماتوا، ربنا بيعلمنا صور قدرته وحكمته في الأحداث دي، ربنا بيعلمنا إنه مش بينسى حد له حق في الكون، من فرح أو زعل من

غنى أو فقر من راحة أو تعب، ربنا يعلمنا إن مهما كان درجة قُرب الإنسان وحبه وخوفه عليك، بعد مُدَّة هيمشي، يا إما هيقابل ربنا، ويا إما هيشوف راحته واستقراره مع شخص غيرك، ما حدِّث هيفضل جنبك غير ربنا، وِعوض ربنا لما بيجي بينسِّي أي وجع كان في حياتك أصلاً، إطمئن وبعد مُدَّة ربنا هيعوِّض كل واحد اتظلم أو اتحرم وإن كان نفسه في حاجة وما نالهاش..

شوفوا عوض ربنا بيكون شكله إيه وازاي..

تعرف يعني إيه عوض ربنا؟

"الحجاج" أكيد كلنا عارفينه، كان أمير العراق، وقصص ظلمه كلها مشهورة.

الحجاج اتقدم لبنت اسمها هند، فالبنت قالت يمكن هو مع الناس حاجة وفي البيت حاجة تانية، اتجوزته، اكتشفت إنه في البيت زي بَرّه، نفس الظلم و الشدة. وفي يوم كانت قاعدة بتسرِّح شعرها قُدَّام المرابيا، قامت بَصَّة لنفسها وهي مش عارفة إن الحجاج موجود وراها وقائلة:

وما هند إلا مُهرة عربية..

سلائل أفراس تحللها بغل..

فإن أنجبت مُهره فله دُرها

وإن انجبت بغلاً فبغل على بغل

طبعاً ده سمعها من هنا واتعصب جدًّا.. بتقول على قائد من

قادة المسلمين بغل!

وقام بعث للخادم بتاعه وقاله "تروح تقولها في كلمتين اتنين إني
طلقتها ولو نطقت الكلمة الثالثة هقطع لسانك"، فالخادم قعد يفكر
يقولها إيه وازي؟!

فَرَّاحَ قالها: "كُنْتُ فَبِنْتُ". (فبنتي أي أصبحت طليقته)
قامت هي ردت عليه و قالت: "كنا فما فرحتنا فَبِنًا فما حَزِنًا"
(يعني لما كنت مراته مت فرحتش ولما طلقني مش هزعل)

المهم الكلمة اللي قالتها دي وصلت لمين؟ لـ "عبد الملك بن
مروان"، عجبته وعجبه دماغها، "عبد الملك ابن مروان" كان وقتها أمير
المؤمنين، فَبَعْتَلها يتقدم لها.. وهي واقفت بس على شرط: إن الجمل
اللي هتركب عليه و هي رايحة للخليفة يسوقه الحجاج!


طبعا الحجاج مش هيقدر يرفض طلب الخليفة، وفعلا كان هو اللي
بيسوق الجمل اللي كانت عليه هند، وهي في الطريق، قامت وقَعَت
من إيديها عن قصد، ونادت على الحجاج: يا غلام لقد وقع مني
درهما فأعطينيه!

فالحجاج قال: إنه دينارٌ وليس درهما!

فقامت بَصَّتْ له وقالت: الحمد لله الذي أبدلني بدل الدرهم دينارًا!

يعني ربنا عوضني بالأحسن منك..

عرفت وعرفت إن مهما طالبت المدة لازم عوض ربنا يحل وملا
يحل، بيحل معاه الرضا والفرحة والأمان بيحل معاه حاجة كده ما
يتكتبش فيها وصف، هي حالة حالة تتعاش وتتحس ونشوف فيها كل
الحلو اللي ينسينا تعب السنين اللي فاتت ومُرْها من من ناس وأفعال
فاطمُنْ إنت في مُلكِ الكريم.



اللا عودة

اللا عودة هي مرحلة النضج الحقيقي في أي قرار؛ لأنك بالفعل بتتخلص نهائياً من أي ضغوط فيها إهانة للروح قبل الجسد،

ابعد وانت واخذ قرار ما تبصش وراك على كُـل اللي آذوك أو خذلك أو بيفكروا في فشلك، وكل حلمهم إنك تفضل في نفس المرحلة اللي عرفوك عليها، ابعـد لأن من حق نفسك عليك إنها ترتاح وتطمـن لوجود الناس اللي بتخليهم يشاركوا حبه فُتات مشاعرك، الروح والمشاعر والبدن والحواس مالهمش أي ذنب إنهم يتداسوا، ومفـيش حاجة بتداس غير لَمَّا بتتوجع، ابعـد وانت راضي عن نفسك، فكر في شغل جديد لو مش مرتاح نفسياً لأنك كل يوم هتقضيه وانت جنب حاجة مش مبسوط بيها وشايف نفسك فيها كويس هتكبر 10 سنين من عمرك وَسَط جيلك، فكر في دايرة صُحاب يكونوا هُمَّا النجاح والاستقرار لو دايرة صُحابك الزمن غيرها وبطلت تفكر صح، غير أي حاجة لأن من حكمة ربنا لَمَّا خلق الإنسان خلق جواه نقطة التغيير اللي تخليه قادر ينسى ويفوَّت.. اللي تخليه قادر يتأقلم مع اللي بيحصل ويُدوّر حواليه، خلق جواه هيكل كبير من عظم طفل

بيتشكل بالشكل المُرضي لحياته، وبينتج في كل علاقة حية بيدخلها
ووصله منها حبه أمان..

بُعدك عن الإهمال والإرهاق هو قُربك من الراحة الأبدية وطريق
النور..

لَمَّا تسبب كل الحاجات دي عشان ربنا يبقى لازم تظمن..

وما تخافش اللي فات من حياتك هو الجزء الوَحش واللي جاي
هو اللي فيه الخير والنجاح والفرح..

لما تقرر تبعد عن أي حاجة فيها معصية، فيها ذنب، فيها مظلمة،
خد قرار اللا عودة وخليك واثق الخُطى بأن الله يُعد لك البديل.


شوف القصة دي كده وشوف نفسك بتعمل إيه منها وما بتعملش
إيه، وفي نهاية المطاف خُد طريق اللا عودة عن أي حاجة ممكن
تمنع قُربك من ربنا لأن لو القرب ده اتمنع يبقى انت اتمنعت عن أي
حاجة حلوة دُنيا وأخرة، اقرأ بس بقلبك قبل ما تقرأ خد قرار اللا
عودة، وخليك أدّها وشوف ربنا هيعمل معاك إيه.

تقول هذه القصة:

كان مَن بين الذين يحضرون الصلاة مع النبي صلي الله عليه
وسلم، رجل اشتهر بسرقة المال، والاعتداء على الأنفس والأعراض، وفي
ذات يوم سمع الرسول صلوات الله عليه يقول: "مَن ترك شيئاً في
الحرام ناله في الحلال" فصادف ذلك القول من نفسه موضع القلب،
واعتزم أمراً، فلما أقبل الليل بسماؤه القاتمة، تسلَّل كما تعود، في غفلة
من الناس، إلى بيت امرأة مؤمنة، مات عنها زوجها، وتعيش وحدها،
وأخذ يجوس خلال غرفات الدار، فرأى في واحدة منها طعاماً مجهزاً،
ولما همَّ أن يتناوله، تذكَّر قول الرسول: "مَن ترك شيئاً في الحرام ناله

في الحلال"، فامتنع عنه وهو يشتهيها، ورأى في غرفة أخرى كيسًا من الذهب النُّضار، فلما همَّ بأخذه، تذكَّر قول الرسول كذلك، فتركه.. ورأى في مكانٍ آخر امرأة ذات جمال وفتنة، مستغرقة في نوم عميقٍ، فوسوس إليه الشيطان بقربها، ولكنه تذكَّر قول الرسول أيضًا، فخرج من البيت دون أن يصيب شيئًا ثم ذهب ليؤدي صلاة الفجر في مسجد الرسول كعادته. وبعد الصلاة انزوى في أحد أركان المسجد، مفكرًا فيما كان منه، وفي تلك اللحظة، أتت المرأة لتقص على النبي قصة هذا السارق، الذي لم يخنها، وهي تعجب من ذلك، فابتسم الرسول صلوات الله عليه، وقال لها: "أوحيدة أنتِ تعيشين؟" قالت: نعم، لقد مات زوجي. فأشار الرسول إلى الرجل القابع في الركن وقال له: "أمتزوج أنت؟" قال: لا، ماتت زوجتي منذ حين، فقال له: وهذه المرأة مات عنها زوجها، فهل لكما أن تتزوجا؟

فلم يجيبا حياءً، فزوجهما الرسول، وهنا بكى الرجل، وقصَّ على الرسول قصته، وأيدته المرأة فيما قال، وما تنفس الصبح حتى عادا إلى بيتهما زوجين، وتناول الرجل نفس الطعام الذي تركه، وتملَّك الذهب، وتمتع بالمرأة، ولكن في الحلال وبالحلال رُزق.



ما تزعلش

بيت العجز بيدخلوه من باب الزعل، ومفيش حاجة تستاهل عجزك وانت في أحلى فترة في حياتك، خليك الشخص اللي ما يفرضش نفسه ولا وجوده على حد، اللي أوقات كثير جدًّا بيختار فيها البُعد، لما يحس إنه مش معمول حسابه في حياة الطرف الثاني، هو آه صحيح دايرة معارفك بتضيق وتقل بس بتنصف وبتقوى، ومُش بالضرورة لما تكون وحدك تبقى ضعيف، ولا بالضرورة تلاقي اللي مؤيد لكلامك وقرارك، مش بالضرورة تلاقي ناس تقولك إنت صح؛ لأن مش كُل اللي حواليك بيتمنولك الخير زي ما انت فاكِر، افتكر إن ربنا قال لأم سيدنا موسى: لما تخافي على موسى إرميه في (اليمِّ).. هل ده منطقي؟ هل فيه حد عاقل ممكن يعمل كده؟ أصل هنا ما ينفعش يكون فيه مقارنة من الأساس بالمنطق البشري مع منطق ربنا، هل سيدنا يونس لما كان في بطن الحوت وحده خاف؟ طيب ضِعِف؟ سيدنا يونس وهو في بطن الحوت قال دعوة واحدة بس قال: "لا إله إلا أنت سبحانك إني كنت من الظالمين" عارف الدعوة دي عملت إيه وقتها؟ أكيد نسيت.. هفكرك.. بس شوف الدعوة دي وردَّ فعلها بقلبك.

أول ما سيدنا يونس وهو في بطن الحوت قال "لا إله إلا أنت سبحانك إني كنت من الظالمين"، أول حاجة الدعوة شقت بطن الحوت.. لأ استنى، يعني الحوت ما ما ماتش، أنا قاصد أقولك إن الدعوة اتسمعت رغم إنه في بطن الحوت وإيه كمان تاني حاجة الدعوة شقت البحر يعني للمرة الثانية اتسمعت مع إنه في بطن الحوت وقاع البحر. تالت حاجة شقت السماء، لأ استنى بقى هنا، يعني اخترقت السما ووصلت لفوق لفوق المُحتمل.. فلما الدعوة وصلت للسماء، السما حصل فيها شيء غريب، فيه واحد بيستغيث بس بيستغيث بمين؟ بالقوي بالجبار.. يعني خاف أوي من اللي اتظلم وسكت وما خدش حقه بنفسه لأن ده هياخد حقه تالت ومثلت من ربنا.. المهم الملائكة اتفزعت في السماء وحصل ضجيج جامد جداً.. فيه كارثة في الأرض فسمعت الملائكة الدعوة مع إنهم عارفين إن ده سيدنا يونس على فكرة، طيب الملائكة نقلت الدعوة إزاي؟ شوف معايا، تخيل قوة المشهد، تخيل إنك انت اللي هتدعي دلوقت.. هيحصل معاك بالظبط زي اللي حصل مع سيدنا يونس.. هتعرفه حالاً لأن ربنا عدل ما بيفرقش في الحق. الملائكة بتقول لربنا: "يارب، صوت معروف من عبدٍ معروف من مكان غير معروف" فروي في الأثر بأن العزيز سبحانه وتعالى تبسّم وقال: "إنه عبدي يونس".. شوف ربنا عمل إيه لما سيدنا يونس كلمه؟

إنت كمان كده، وانتِ كمان كده، ما حدش يزعل لأن ربنا بيئبت لينا الخير مخصوص، وبيسخرلنا حاجات كتير عشانه، هو إنت إزاي بيجيلك نفس تزعل وجوه منك 60 ترليون خلية عايشين جواك عشان خدمتك إنت وبس؟ وجوه كل عين من عينك فيها 5 مليون خلية موجودين عشان حضرتك تشوف الصورة بالكمال والجمال ده، وعشان تسمعني، ربنا سخرلك 200 ألف خلية، ولسان حضرتك فيه 12000

حلقة ذوقية بتقدر تفرّق بيهم الطعم، بدمتك لسه ليك نِفس تزعل بعد ما ربنا زرع جواك ولخدمتك كل الخلايا دي عشانك إنت وبس؟ عشان تكون مبسوط وبس، عشان تكون راضي عن نفسك وبس..

شوف القصة دي واعرف إنك مهما حصل مُحال تكون منسي في كنف الكريم.

هقولك حصل إيه مع سيدنا موسى، يمكن تستسهل الدعوة، شوف لما سيدنا موسى خرج من بطن الحوت كان شكله إيه، طيب جسمه كان عامل إزاي؟ طيب كان يقدر يعيش عادي كده؟ هو إنت ما فيش مرة واحدة قرأت فيها و "يُحيي العظام وهي رميم" بقلبك ولأ "يخرج الميت من الحي" بقلبك، كلام ربنا ليه صور كتيرة جدًّا وحكمته وقدرته لا تُعد ولا تحصى.

المشهد ده ليك يا اللي خايفة وزعلانة وبقي عندك متلازمة الاكتئاب والبُكا.. النَّص ده ليك يا اللي خايفة من بكرة والأيام والوحدة.

لما بتنزل تحت الدُّش وتقف فترة طويلة تاخد فيها شاور، بتلاقي صوابع إيديك ورجليك كرمشت، وجسمك بدأ يبوش، آهو سيدنا يونس فِضِل في بطن الحوت 3 أيام، ولما الحوت طلَّعه ورماه على الشط كان جسمه كله بايش زي صوابع إيديك ورجليك، شوف هنا كمية الحنان اللي في الآية دي "وأنبتنا عليه شجرة من يقطين" تخيلي كده الشجرة وهي بتطلع جنب سيدنا يونس عشان تضلل عليه؛ لأن الشمس لو ملسته وهو بالشكل ده هيموت، شو في ربنا بيقول وأنبتنا يعني طلَّعت مخصوص، ما كانتش موجودة، عارفة إيه اليقطين ده؟ دي شجرة جميلة، الورقة فيها بحجم وذن الفيل، كبيرة وتخينة عشان تضلل بجد لحد ما يفوق وجسمه يرجع زي الأول ويسترد قوته.. ربنا طيب وحنين ورحيم، هيضل عليك ويحيمك مهما تبوَّشك الأيام والصعوبات، مهما تحسي

بضعف أو كسرة، مهما إتسبتي في نُص الطريق، مهما بقيتِ باهتة
ربنا هيرويكٍ وهينبت لك الحنين مخصوص.. ربنا هيطلعلك الخير من
وسط المحنة حتى لو مانتيش شايفة الخير ده زي سيدنا يونس ما
كانش شايف الشجرة صدقيني مهما كانت المشاكل هتلاقي الحلول
طالعة لك فجأة. إسندي على ربنا واستقوي بيه لأنه قوي وهيقويكٍ
وهيرجعلك قوتك ويخليكٍ قادرة ومستعدة تواجهي أي شيء، ربنا مش
هيكسرك أبداً مهما كان الحزن والهم ماليكٍ، ربنا هيوفقك في حلمك
ربنا هو الوحيد اللي تروحيله ضعيفة ترجعي قوية، هو الوحيد اللي
هيضلل عليكٍ عشان تتقوي، مش عشان محتاج حاجة منك فخليكٍ
معاه عشان تحسي بالأمان ويعشش النور في قلبك فيبان النور والرُضا
على وُشك.

هل يُحبك الله

قولها ثاني كده بهدوء..

لأ لأ.. تحسّسها، قُل "هل يُحبك الله" وخليها تمر من على قلبك..

يااااا، شوف أدّ إيه وصلت درجة الصدا على قلبك والغشاوة اللي

تخليك تفكر كده..

لأ حضرتك إنت فهمتني غلط..

أنا عارف ومتأكد إن ربنا بيحبني، بس أنا صعبان عليًا نفسي، صعبان عليًا كُل اللي بيحصل، حاسس إني ماشي غلط، وفيه حواجز كبيرة أوي بتواجهني يوميًا يمكن ده السبب اللي خلاني اقول كده لكن أنا متأكد إن ربنا بيحبني، أنا عارف كويس جدًّا إنه سامعني وأنا بكلمك دلوقت، ومتحسس قلبي وعالم إيه اللي بيدور جواه، أنا عارف إن الدوشة والكركة واللخطة الكثيرة دي أنا مش عارف أقولها أو أشرحها أو حتى أتكلم عنها بشكل دُعا، بس متأكد إنه مرتبها جوايا بالطريقة الحلوة، أنا عارف إني استعجلت، فآسف على كل لحظة ظنيت فيها يارب إنك بعيد عني، وكل لحظة سجدت فيها وأنا مشغول بغيرك في السجود.

على كل لحظة نمت فيها بذنوب ومنحتني حق الحياة مرة ثانية.
هو إنت عُمرِك ما كنت زعلان وسَمِعت آية من القرآن في مواصلة
أو طريق أو حتى في المسجد والآية لمَسِت الإحساس الي جواك، هو
إنت عمرِك ما كنت حاسس إنك محتاج إشارة تشوفها بعينك ومن
كارثة ربنا نَجَّاك؟، إتعلَّم تسمع وتقرأ قبل ما تتعصب وتغضب، إتعلَّم
تصبر وكل حاجة تشوفها حكمة مش إهمال أو عدم استجابة شوف
القصة دي واتعلم منها

كان أخطر أهل مكة، مين ده؟!

"مصعب بن عُمر" أول سفير في الإسلام

أيوه يعني مين يعني؟

كان من فتيان مكة الي حظوا بالدلال والنعيم من والديه، ما
عرفتوش برضو؟ كان لؤلؤة ندوات مكة ومجالسها. وفي يوم سمع ما
يقوله مُحَمَّد الأمين، سيدنا النبي عليه الصلاة والسلام، الي بيدعي
لعباده الله الواحد الأحد.

وكان أهل مكة لا همَّ لهم إلا دعوة محمد عليه الصلاة والسلام، في
الوقت ده وعلى الرغم من صغر سنِّ مصعب بن عمير إلا إنه كان زينة
المجالس، من أناقة في المظهر ورجاحة في العقل.

فسمع إن سيدنا مُحَمَّد عليه الصلاة والسلام ومَن آمن معه
يجتمعون في مكان بعيد عن أنظار أهل قريش وأذاهم، اسمه دار بن
الأرقم.

راح عشان يشوف إيه الحكاية؟

وكان الرسول عليه الصلاة والسلام يلتقي أصحابه فيتلو عليهم من القرآن ويصلي معهم، سمع "مصعب بن عمير" كلمات مالهاش مثيل تسبب أثر طيب في النفوس.

أيوه كلمات القرآن..

الي روت عطشه وريحت قلبه زي ما بتريح نفسك أما بتبقى مهموم وتبشرك بإن فرجه قريب..

زي أما تكون مهموم وتعرف إن مع العسر يسرا فبالك يطيب..

لم يتردد لحظة في إسلامه وأسلم..

ولكن في بداية أي طريق حتى المسلمين الي يرجعوا مرة ثانية لله لازم يختبروا اختبار هل همًا فعلًا عايزين يقربوا من ربنا ولأ يومين وخلص.

قال تعالي: "أَحْسَبَ النَّاسُ إِنْ يُتْرَكُوا إِنْ يَقُولُوا آمَنَّا وَهُمْ لَا يُفْتَنُونَ"

زي أول ما بدأت تلبسي واسع وقالوا لك شبه العواجيز أو رفضت تكلمي ولاد فيه الي قالوا لك إنت معقدة، زي أول ما انتظمت في الصلاة وقالوا لك هتعملنا فيها شيخ.

ناس كثير رجعت بعد كلام الناس، وناس كثير استمرت، فلقت راحة البال.

وكان "مصعب بن عمير" قلقان من رد فعل أمه فقرر يكتم إسلامه.. ولكن في يوم من الأيام، وكانت عيون قريش لا تنام وتراقب الناس، تشوف مين الي دخل في دين محمد، شاف "عثمان بن طلحة"، "مصعب بن عمير" وهو داخل دار بن الأرقم ويصلي كما يصلي سيدنا محمد عليه الصلاة والسلام.. على طول راح قال لأم مصعب.

وقف "مصعب بن عمير" أمام أمه وعشيرته وأهل مكة يتلو عليهم القرآن اللي بيغسل القلوب وينورها بهداية الرحمن..

اللي ليها أثر في النفوس كالسحر.

وهمّت أمه أن تسكته بلطمة قوية لكنها ما قدرتش فالكلمات اللي بيقرأها واللي زادته وسامة ونور في وجهه واحترامًا من الكل له ما قدرتش تواجهها بضربه، لكنها قررت حبسه وأول ما عرف إن المؤمنين هيهاجروا اللي الحبشة، لكن مصعب غافل أمه وحراسه وهرب..

ترك معيشة الترف من أجل الله.

خرج في يوم على بعض المسلمين وهم جلوس حول رسول الله عليه الصلاة والسلام، فما إن أبصروه حتى أحنوا رؤوسهم وغطوا أبصارهم وذرفت بعض عيونهم دمعة لما شافوه يرتدي جلبابًا مرقعًا باليًا، افتكروا صورته قبل الإسلام فقد كان أعطر أهل مكة وأزينهم.

وقلى رسول الله مصعب بنظرات حكيمة وتألفت على شفثيه ابتسامة جلييلة وقال "لقد رأيت مصعبًا هذا وما همكة فتى أنعم عند أبويه منه، ثم ترك كل ذلك حبًا لله ورسوله".

إنت بقى وانت بتدّعي محبة الله ورسوله تركت إيه من أجل

الله؟

تركت البنث اللي بتكلمها كل يوم وانت عارف إنه حرام؟

وانت سبت اللبس اللي متأكدة وعارفة إنه مش في قاموس الحجاب ولبست حجابك اللي ربك أمر بيه حفاظًا ليك..

جرب كده تسيب حاجة قلبك اتعلق بيها وربنا لا يرضاها من أجل ربنا، صدقني هتكسب دنيا وآخره.. هنتعم براحة البال في الدنيا وجنة في الآخرة، فهل جزاء الإحسان إلا الإحسان؟

شوف الذنب اللي معك صفو حياتك وجاهد نفسك وابعده عنه
ففي الجهاد حلاوة هتدوقها أما يكون لله.

قال ابن القيم رحمه الله: "ليس المستغرب أننا نحب الله تبارك
وتعالى، ليس بمستغرب أن الفقير يحب الغني، وأن الذليل يحب العزيز،
فالنفس مجبولة على حب من أنعم عليها وتفضل عليها بالنعم، لكن
العجيب من مَلِكٍ يحب رعيته ويحب عباده ويتفضل عليهم بسائر
النعم".

شوف القصة دي يمكن تقول راح زمن الصحابة والأنبياء وتتحجج..

أنا بهزر، ما تزعلش بهزر معاك..

وكمان بتضحك؟ مبروك عليًا الحسنه اللي أخذتها منك، وانت كمان
أخذتها بسبب بسمتك.

في كل يوم جمعة، وبعد الصلاة، كان الإمام وابنه البالغ من العمر
إحدى عشرة سنة من شأنه أن يخرج في بلدتهم في إحدى ضواحي
أمستردام ويوزع على الناس كتيبًا صغيرًا بعنوان "الطريق إلى الجنة"
وغيرها من المطبوعات الإسلامية.

وفي أحد الأيام بعد ظهر الجمعة، جاء الوقت للإمام وابنه للنزول
إلى الشوارع لتوزيع الكتيبات، وكان الجو باردًا جدًّا في الخارج، فضلًا
عن هطول الأمطار.

ارتدى الصبي الكثير من الملابس حتى لا يشعر بالبرد، وقال: "حسنًا
يا أبي، أنا مستعد!"

سأله والده: "مستعد لماذا؟" قال الابن: "يا أبي، لقد حان الوقت
لكي نخرج لتوزيع هذه الكتيبات الإسلامية".

أجابه أبوه: "الطقس شديد البرودة في الخارج وإنها تاطر بغزارة".

أدهش الصبيُّ أباه بالإجابة وقال: "ولكن يا أبي لا يزال هناك أناس يذهبون إلى النار على الرغم من أنها تمطر".

أجاب الأب: "ولكنني لن أخرج في هذا الطقس".

قال الصبي: "هل يمكن يا أبي، أنا أذهب أنا من فضلك لتوزيع الكتيبات؟"

تردد والده للحظة ثم قال: "يمكنك الذهاب". وأعطاه بعض الكتيبات.

قال الصبي: "شكرًا يا أبي!"

ورغم أن عمر هذا الصبي أحد عشر عامًا فقط إلا أنه مشي في شوارع المدينة في هذا الطقس البارد والممطر لكي يوزع الكتيبات على مَنْ يقابله من الناس، وظلَّ يتردد من باب إلى باب حتى يوزع الكتيبات الإسلامية.

بعد ساعتين من المشي تحت المطر، تبقي معه آخر كتيب، وظل يبحث عن أحد المارة في الشارع لكي يعطيه له، ولكن كانت الشوارع مهجورة تمامًا، ثم استدار إلى الرصيف المقابل لكي يذهب إلى أول منزل يقابله حتى يعطيهم الكتيب، ودق جرس الباب، ولكن لا أحد يجيب. ظلَّ يدق الجرس مرارًا وتكرارًا، ولكن لا زال لا أحد يجيب، أراد أن يرحل، ولكن شيئًا ما يمنعه.

مرة أخرى، التفت إلى الباب ودق الجرس وأخذ يطرق على الباب بقبضته بقوة وهو لا يعلم ما الذي جعله ينتظر كل هذا الوقت، وظل يطرق على الباب وهذه المرة فُتِح الباب ببطء..

وكانت تقف عند الباب امرأة كبيرة في السن وتبدو عليها علامات الحزن الشديد فقالت له: ماذا أستطيع أن أفعل لك يا بني؟

قال لها الصبي الصغير وهو ينظر لها بعينين متألقين وعلى وجهه ابتسامة أضاءت لها العالم: سيدي، أنا آسف إذا كنت أزعجتك، ولكن فقط أريد أن أقول لك إن الله يحبك حقيقي ويعتني بك، وجئت لكي أعطيك آخر كتيب معي والذي سوف يخبرك كل شيء عن الله، والغرض الحقيقي من الخلق، وكيفية تحقيق رضوانه.

وأعطاها الكتيب وأراد الانصراف فقالت له: شكرًا لك يا بني! وحياك الله!

في الأسبوع القادم بعد صلاة الجمعة، كان الإمام يعطي محاضرة، وعندما انتهى منها وسأل: هل لدى أي شخص سؤال أو يريد أن يقول شيئًا؟

بطيء، وفي الصفوف الخلفية بين السيدات، كانت سيدة عجوز يُسمع صوتها تقول:

"لا أحد في هذا الجمع يعرفني، ولم آتِ إلى هنا من قبل، وقبل الجمعة الماضية لم أكن مسلمة، ولم أفكر أن أكون كذلك

وقد توفي زوجي منذ أشهر قليلة، وتركني وحيدة تمامًا في هذا العالم. ويوم الجمعة الماضي كان الجو باردًا جدًا وكانت تمطر، وقد قررت أن أنتحر لأنني لم يبقَ لدي أي أمل في الحياة؛ لذا أحضرت حبلًا وكرسيًا، وصعدت إلى الغرفة العلوية في بيتي، ثم قمت بتثبيت الحبل جيدًا في إحدى عوارض السقف الخشبية ووقفت فوق الكرسي وثبتت طرف الحبل الآخر حول عنقي، كنت وحيدة ومملأني الحزن، وكنت على وشك أن أففز..

وفجأة سمعت صوت رنين جرس الباب في الطابق السفلي، فقلت سوف أنتظر لحظات ولن أجيّب وأياً كان من يطرق الباب فسوف يذهب بعد قليل.

انتظرت ثم انتظرت حتى ينصرف من الباب، ولكن كان صوت الطّرق على الباب ورنين الجرس يرتفع ويزداد، قلت لنفسي مرة أخرى: "من على وجه الأرض يمكن أن يكون هذا؟ لا أحد على الإطلاق يدق جرس بابي ولا يأتي أحد ليراني".. رفعت الحبل من حول رقبتني وقلت لأذهب لأرى من بالباب يدق الجرس والباب بصوت عالٍ وبكل هذا الإصرار. عندما فتحت الباب لم أصدق عيني؛ فقد كان صبيًا صغيرًا وعينه تتألقان وعلى وجهه ابتسامة ملائكيه لم أر مثلها من قبل، لا يمكنني أن أصفها لكم.

الكلمات التي خرجت من فمه مسّت قلبي الذي كان ميتًا ثم قفز إلى الحياة مرة أخرى، وقال لي بصوت ملائكي: "سيدتي، لقد أتيت الآن لكي أقول لك إن الله يحبك حقيقة ويعتني بك!"

ثم أعطاني هذا الكتيب الذي أحمله "الطريق إلى الجنة"

وكما أتاني هذا الملاك الصغير فجأة، اختفى مرة أخرى وذهب من خلال البرد والمطر، وأنا أغلقت بابي وبتأناً شديد قمت بقراءة كل كلمة في هذا الكتاب، ثم ذهبت إلى الأعلى وقمت بإزالة الحبل والكرسي لأنني لن أحتاج إلى أي منهما بعد الآن..

ترون؟ أنا الآن سعيدة جداً لأنني تعرّفت إلى الإله الواحد الحقيقي، ولأن عنوان هذا المركز الإسلامي مطبوع على ظهر الكتيب، جئت إلى هنا بنفسني لأقول لكم الحمد لله، وأشكركم على هذا الملاك الصغير الذي جاءني في الوقت المناسب تمامًا، ومن خلال ذلك تم إنقاذ روحي من الخلود في الجحيم".

لم تكن هناك عين لا تدمع في المسجد وتعالَت صيحات التكبير "الله أكبر" ..


الإمام الأب نزل من على المنبر وذهب إلى الصف الأمامي حيث كان يجلس ابنه.. هذا الملاك الصغير، واحتضن ابنه بين ذراعيه وأجهش في البكاء أمام الناس.. ربما لم يكن بين هذا الجمع أب فخور بابنه مثل هذا الأب.

كأمر مرة كانت فآكرها اللحظة الأخيرة وربنا خيب ظنك وفرحك؟
كأمر مرة كانت فآكر إن خلاص مالهاش حل وربنا خيب ظنك وبقيت مبهور إنها اتحلت بالبساطة دي.. عدد المرات اللي ربنا كرمك فيها رغم وصولك لمرحلة اليأس أكبر بكثير من إني أعدها وأفكرك بيها..

ربنا بيحبك من أول لحظة قدر فيها وجودك نطفة في أهلك ومضغة في أمك، وقدر لك السعي والرزق في الأرض، هقولك على آية ننهي بيها الحوار ونختم بيها حب ربنا ليك:

" بسم الله الرحمن الرحيم "

"ولقد كرمنا بني آدم وحملناهم في البر والبحر ورزقناهم من الطيبات وفضلناهم على كثير ممن خلقنا تفضيلاً"



"عسى إن تكرهوا شيئاً وهو خيرٌ لكم"

طبعاً مش جديد عليك إنك تقرأها، بس دايماً بتقرأها وتعديها عادي كده، دايماً مش بتتحسسها في حياتك أو بتطبقها على اللي بيحصل في يومك، شوف هقولك قصتين مقتبسين هنا.

أعرف واحد حَب بنت ولما جه فاتح والدته رفضتها بحجة إنهم مش نفس المستوى ولا العادات والتقاليد، أصر عليها وقالها ما تصغرينيش أنا اخترتها ام لأولادي، رفضت تروح معاه وأعمامه وأخواله اتفقوا وخلصوا.. هي كانت شايفة إنها حته خطوبة وهتقدر تفسخها بسهولة وتبعده عن البنت دي، فضلت تعمله مشاكل، ما حضرتش الشبكة ولا اهتمت ولا زيارات بقى ولا سؤال، الوقت بيعدي وهو لسه متمسك بيها! كان بيجهز شقته رَمِت له العفش بتاعه بَرّه وقالته عيش معاهَا بَرّه بقى.. إنتوا متخيلين الزنقة اللي هو فيها، دَوْر على شقة وربنا يسّر الأمور طيب تضايقه إزاي تاني؟ المرة دي قررت مش بس إنها ما تحضرش الفرحة ده، لأ كمان منعت إخواته وأعمامه وأخواله يحضروا وحضر لوحده! كل ده ما كانش بيتعصب عليها ولا

أي حاجة.. إنْتِ أمي وعلى راسي بس أنا آسف دي اللي اخترتها وفي الوقت نفسه بيطيّب خاطر خطيبته إن والله أمي ست طيبة ولما تتعاملي معاها هتحببها. بعد الجواز قلبها حن وهي اللي بعثلهم يعيشوا معاها في نفس البيت وطيبت خاطرها واعتبرتها بنتها، وسبحان الله حبيتها وبقت بتشكر في اختياره وأسلوبها وطريقة تربيتها لأولادها وأدّ إيه محافظة عليه ومهتمة بيه، وحاليًا معاهم 4 أولاد.

أعرف واحدة اتقدم لها واحد واتفرض من والدها، وبعدين هي اتخطبت لحد تاني وربنا ما قدرلهاش نصيب معاه وفسخت، فلما عرف اتقدم تاني بس المرة دي باباها وافق، اتجوزوا وبعد الجواز بفترة قصيرة جالها "كانسر"! لما تسمعها وهي بتحكي عن معاناتها مع المرض تحكي 10 دقائق عن الألم وساعة كاملة عن حنية زوجها وعن فضل ربنا عليها إنه جوّزها لِدَه، هي منبهرة هو إزاي صابر وراضي ولسه بيحبها وبيحن ويهتم وأنا تعبانة ومضايقاه بمرضي! والدته الله يسامحها كل ماتشوفه تقوله مش هتتجوز بقى؟ على اعتبار إن زوجته خلاص مالهاش لازمة بقى ومريضة، كان بيقول لها بصي لو خدوها كل يوم المستشفى استأصلوا منها حتة ورجعوها لي تاني هعيش مع اللي باقي منها!

قصص الناس اللي ربنا أحرّ لهم الإنجاب فترة مفيش أكثر منها، ومعظمهم صبر بالسنين ومارضيش أبدًا يستبدل زوجته ولا هي تستبدل زوجها مع إن الدافع قوي جدًا؛ شعور إنه عايز يبقى أب أو إنها عايزة تبقى أم.. كلموني أكثر بقى عن الظروف وسيبتوا بعض ليه؟ في كل موقف من دول كان سهل أوي الناس تسيب وتبعد والحجج كلها قوية، وعلى إيه وجع الدماغ ده من أنا أتجوز واحدة تانية وهي تتجوز واحد تاني ونفضّها سيرة، بس هي فكرة "مبدأ" و "مسؤولية"

و "اختيار" ما فيش مشكلة مالهاش حل بس طالما الأساس ثابت وإن الطرفين مع بعض مكملين..

اعرف وشوف بنفسك إن اللي بتحبهُ لو فيه الخير ليك ربنا هيقدف الحب ده في كل قلوب اللي حواليك.

عشان وقتها بدل ما الفرحة تكون ليك بس يشاركك فيها اللي في حياتك كمان واللي يهمك فرحهم، ربنا بيضعف لك الفرحة أضعاف مُضاعفة بس إحنا نرضى عشان يراضينا.

طيب شوف هنا الكلمة بتعمل إيه، قبل ما تكلم حد فكر، لأ فكر إيه، ده إنت فكّر ألف مرة قبل ما الكلمة تخرج منك وشوف هي هتعمل إيه وحُط نفسك مكان اللي بيسمع لأنك مش دايمًا هتتكلم، هيجي دورك وهتسمع إنت كمان.

واحد بيقول لصاحبه هخطب فلانة، قاله أكيد هيرفضوك شوف إنت فين وهي فين فما اتقدملهاش مع إنها كانت مستنياه وأهلها مش عايزين غير سعادة بنتهم واكتشف ده بعد فوات الأوان للأسف!

واحد قابل زميله بعد سنة من التخرج فسأله: إنت شغال فين؟ قاله: في المكان الفلاني، وبتاخذ كم في الشهر؟ قاله: باخد 1000 جنيه فيردّ باستنكار 1000 جنيه!!!! إنت إزاي عايش كده؟ ده ما يكفونيش سجاير!! يا ابني إنت بتتعب في الشغل والشغل ما يستحقش منك جهدك ولا يستاهل تعبك بالشكل ده، فكرهُ شَغله وبقى مقصر فيه، وبعد فترة ساب الشغل ومش عارف يلاقى زيه تاني!

واحدة سألت صاحبتهما بعد ما خلفت: جوزك جابلك هدية إيه بمناسبة الولادة؟ قالتها: ما جابليش حاجة قالتها معقولة!!؟ إزاي؟ المفروض كان جابلك حاجة.. المفروض كان قدرك وفرحك. ضربت

إسفين ومشيت، لما رجع جوزها من الشغل لقاهما زعلانة ومتنكدة فاتخانقوا وكلمة يمين في كلمة شمال الموضوع كبر واتطلقوا! المشكلة بدأت منين؟ من كلمة قالتها واحدة ولّعت الدنيا.

واحد راح يزور صديق قديم في بيته، كان باله مرتاح فيقول له أو مال ابنك فين يا حاج، ما بنشوفوش كثير يعني؟! لا والله أصله مشغول في شغله الله يقويه ما بيفضاش يجي كثير غير كل فترة. إزاي يعني مش فاضي؟ المفروض يفضي نفسه يتظمن عليك، هو مش إنت أبوه ولا إيه! أو مال كنا بنخلفهم ليه، مش علشان ياخدوا بالهم منا لما نكبر! فيتعكر صفو قلب الأب وباله يتعكنن، كأن الشيطان اللي كان بيتكلم بلسانه.

مممكن يبقى عندك صحاب واكلين معاك عيش وملح، لكنهم بيحاولوا يفسدوا حياتك بقصد أو بغير قصد، وناس تدخل بيتك ويطلعوا يتكلموا عليك في زهرك، بس كل واحد بيعمل بأصله. مممكن تسأل واحد بكل براءة بس سؤالك يكون جارح: ليه ما اشتريت كذا؟ ليه ما عندك كذا؟ إنت مستحمل حياتك إزاي؟ إنت مصاحب فلان ده إزاي؟ أسئلة مممكن تكون بدافع الفضول أو "الفضاوة" لكننا مش عارفين تأثيرها على اللي بنسأله. الخلاصة: ادخلوا بيوت الناس من غير ما تفتشوا فيها بفضولكم، واخرجوا منها كأنكم ما دخلتوهاش.

هَاجِر

سُفِّتْ إِنَّكَ دَائِمًا مُسْتَعَجِلٌ، وَبِتَاخُدَ الْمَوْضُوعَ عَلَى أَعْصَابِكَ، فَكُرْتِ فِي مَرَّةٍ إِنَّكَ تَسْمَعُ، وَتَسِيْبُ الْيَلِيَّ بِيْحِكِي يَأْخُذُ رَاحَتَهُ وَبِرَاحَةٍ، فَكُرْتِ إِنَّكَ تَكُونُ مَكَانَ الشَّخْصِ الْيَلِيَّ الْوَجْعَ خَبًّا مَلَامِحَ وَشَهَ قَبْلَ مَا تَقُولُ عَلَيْهِ كَثِيْبٌ تَعْرِفُ أَسْبَابَ الْوَجْعِ، هَتَلَاقِي يَا إِمَّا اتْسَابُ يَا إِمَّا اتْخَانَ، يَا إِمَّا نَاسَ وَحْشَاهُ وَهَمَّ لِحْضَنَهُمْ فَافْتَكُرْ إِنْ التَّرَابُ شَبْعَانَ مِنْ رُوحِهِمْ مِنْ زَمَانٍ.. فَكُرْتِ تَحْسُ بِإِنْسَانَ فَقَدَ الثَّقَةَ فِي الْمَجْتَمَعِ، أَصْبَحَ انْطَوَائِي، مَرِيضٌ بِالصَّمْتِ، جَسْمُهُ مُشْبَعٌ بِالْأَدْرِينَالِينِ مَشَّ حَاسِسٌ بِطَعْمِ الْحَيَاةِ، قَلْبُهُ بَقِيَ مَشَّ قَادِرٌ يَتَحَمَّلُ الْوَجْعَ مِنْ كَثَرِ الشَّرُوحِ وَالصَّدْمَاتِ الْيَلِيَّ خَدَهَا وَمَرَّ بِيهَا، أَنَا كُنْتُ قَاصِدٌ أَقُولُكَ فِي الْعِنَاوَانِ هَاجِرٍ، مَشَّ هَاجِرٍ اسْمُ بِنْتٍ.. لَا لَآ.. اسْتَوْعَبْتُ؟ هَاجِرٌ وَسِيْبُ كُلِّ النَّاسِ الْيَلِيَّ بِتَسْتَنْشِقُ رُوحَكَ وَبِتَاخُدُ الْحَلُوَّ الْيَلِيَّ مَخْلِيكَ مَكْمَلٌ فِي الْحَيَاةِ رَغْمَ الْوَجْعِ وَدُوشَةَ التَّفَكِيرِ، وَخَوْفِكَ مِنْ بَكْرَةٍ عَلَى الْغَيْرِ وَحُبِّكَ الزَّائِدَ فِي تَأْمُلِ التَّفَاصِيلِ رَغْمَ الْكَآبَةِ لِسَهِّ جَوَاكُ خَيْرٌ مَا تَلُومُشَ عَلَى إِنْسَانَ كَانَ حَرٌّ فِي الْحَيَاةِ، وَبِمَعَامِلَةِ الْبَشَرِ اتْحَوَّلَ لَشَخْصٍ أَقْصَى طَمُوحَ حَرِيْتِهِ إِنَّهُ يَتَحَرَّكُ بَيْنَ أَرْبَعِ حَيْطَانٍ، وَبِلَكُونَةِ سُوْرَهَا قَصِيْرٌ مَكْشُوفٌ بِتَطَلُّ عَلَى قَهْوَةِ بَلْدِي بِطَّلُّ يَخْرِجُهَا وَيَشُوفُ شَكْلَ السَّمَاءِ، لِمَجْرَدِ وَجُودِ الْبَشَرِ خَارِجِيْنِ،

كَمَّلَ حياته ما بين هاند فري مقطوع، وما بين فنجان قهوة قديم،
وصوت عقارب الساعة بعد منتصف واحدة بالليل هي الصديق،
هي الحبيب، هي المساحة اللي الحياة سمحت بيها، يكَمَّلُ بيها اللي
باقي من حياة، من البداية لازم تهاجر قبل وصولك للمرحلة سيب
وهاجر أي شيء ممكن يكون مُمِل بالنسبة لك لو غيرك متشاف إنه
كويس، سيب الصحاب اللي وجودهم مرهق لحياتك اللي مش حاسس
وجودك وسطهم، إبعد واوعى تكون مجرد عدد ونقطة بتسد بيها
فراغ وقت الاحتياج، سيب الأماكن والشوارع اللي بتشد من روحك
على ذكري قديمة لو فكرت فيها كثير هتصبح مصاب بفوبيا البني
آدمين، أو تحويلك لكائن ليلي غير راغب لوجود البشر، بدّل كلامك،
بدّل طريقة لبسك واختيارك.. باختصار: خليك في لحظة الضعف اللي
القدر حطك فيها، قوي، وخيّب ظنون البشر على إنك أسهل واحد
ممكن يستسلم، لأنك في الحقيقة أقوى بكثير من إنك تتهزم وبيان
ضعفك، لسه فيه حاجات كثير جدًّا تستاهل إنك تفكر فيها، ولسه
فيه بعض البشر إنت بالنسبة لهم طموح وحلم، فمش طبيعي تبان
قُدَامَ عيونهم منكسر، خلي الأمل يكونك صاحب عشان تكون نور
لحياة ناس تانية، خليك قوي لأنك بالفعل إنت قوي وما تستاهلش
غير إنك تكون مبسوط، شوف نفسك من جواها واحمد ربنا على كل
حاجة حصلت وبتحصل، مسيرك تعرف حكمته ووقتها هتشكره لأنه
حماك ما حرمكش من ولا حاجة زي ما كنت مستعجل من عنوان
البداية وشفته غلط، المهم موضوع وقت وترتيب وصبر بس إحنا
نصبر ونرضى عشان يراضينا.

يحكى أن:

فتاة ممددة على فراشها، تعاني من مرض خطير، سألت أختها الكبرى وهي تراقب شجرة بالقرب من نافذتها: كم ورقة باقية على الشجرة؟

فأجابت الأخت بعين ملؤها الدمع: لماذا تسألين يا حبيبتي؟


أجابت الطفلة المريضة: لأني أعلم أن أيامي ستنتهي مع وقوع آخر ورقة.

ردت الأخت وهي تبتسم: إذًا حتى ذلك الحين سنستمتع بحياتنا ونعيش أيامًا جميلة.

مرت الأيام وتساقطت الأوراق تباعًا وبقيت ورقة واحدة. ظلت الطفلة المريضة تراقبها ظنًا منها أنه في اليوم الذي ستسقط فيه هذه الورقة سينهي المرض حياتها. انقضى الخريف وبعده الشتاء ومرت السنة ولم تسقط الورقة، والفتاة سعيدة مع أختها وقد بدأت تستعيد عافيتها من جديد.

حتى شفيت تمامًا، فكان أول ما فعلته أنها ذهبت لترى معجزة الورقة التي لم تسقط؛ فوجدتها ورقه بلاستيكية ثبتتها أختها على الشجرة.

العبرة: إن الأمل روح أخرى، إن فقدتها فلا تحرم غيرك منها..
إطمئن.



التفاصيل


جوه التفاصيل حياة ثانية غير الروتين المملّ الي اتعودنا عليه لكن عشان تتأمل التفاصيل، محتاج مجهود كبير جدًّا من الصبر وفهم الأمور بشكل صحيح، محتاج تتأكد قبل كلمة بحبك، طريق طويل مفروش فهم وتقدير، وعشان تحمّل نفسك العبء والمجهود ده ياريت يكون مع شخص يستاهلك مش يستهلكك، يكون مش شخص بيخاف عليك، مش بتخاف منه، يعني تحس إنه هو الركن الوحيد الي ممكن يساعك ويتحملك لما تضيق الدنيا بيك، كلمة بحبك بقت عاملة زي صباح الخير بقت مالهاش طعم ولا لهفة، كلمة بحبك بقت ما ينفعش تتقال، هي لازم تتعمل وتتثبت بالتفاصيل، يمكن لحسن الحظ إن ربنا يحط في قلب كل شخص فكرة التغيير، وهي إن لو شخص خارج من علاقة مطحون فيها ومشاعره متدغدة وحاولت تقرب منه فجأة، أكيد هينفر ويبعد عنك، هو مش مريض ولا كئيب هو أصبح انطوائي بعد ما شبع خدوش وقلبه اتهرى صدمات، لكن في نفس التوقيت هو محتاج كمّ المشاعر الي تعوّضه عن سنين العك الي عاشها وفي الحالة دي تقبله ليك بالكلام شبه مستحيل لأن الي قبلك قال كلام، وأي كلام في أي كلام بالنسبة لهم أصبح شيء من العدم، قدّم

عهود موثقة بأفعال هتلاقي بيت طارح من الحنان، جناحات وحُضن
قادر يساعك ويتحملك هتلاقي خوف الأم وقلق الأخت ولهفة الزوجة
والاشتياق، هتلاقي بيت كامل مبني على ثقة وفيه رصيد من الحب
قادر يعدّي ويفوّت أي مشكلة، أي حاجة ممكن تعدي وتفوت بينكم
لكن إبعد عن الإهانة، إبعد عن الغلَط في الأهل، إبعد عن عدم
شكرك ليها وقت ما تكون تستحق الشكر ده، لازم الطرف الموجود
في حياتك يحس كأنه ترس موجود في عجلة، يعني هو القوة اللي
بتخليك تمشي وتستمد صلابتك، عشان يكون لك كده طبيعي تتأمل
التفاصيل وتهتم، وخليك بعيد كل البُعد عن ركن الإهمال لأنه بيغرق
مرة واحدة، والفجوة فيه بتوسع وبتفقد السيطرة وقتها على الموقف،
حاول تقربْ مهما مفرمة الحياة شَغِلْتِك، حاول تسمع مهما كان الوقت
ضيق، إوعى تحسّس الشخص اللي معاك إنك بتسمعه عشان إنت
مجبّر إنك تسمع، أو تحسسه إنك جنبه عشان ده شيء مفروض عليك،
عزة نفسه ساعتها هتخليه يبعد حتى لو روحه فيك، تأمل التفاصيل
زي ما هو مرهق، لكن له مقابل ما يحسوش غير اللي عايشه، ودايمًا
الحاجة الصعبة بتكون حلوة أوي جدًّا، بالتفاصيل إنتوا قادرين تفرموا
أي ظروف لو استبدلتوا كلمة أنا وانتِ وختلوتها "إحنا"، بعد فترة من
الحياة مع بعض هتعرفوا إن التفاهم أهم وأكبر من إن الحب يكون
هو أساس كل حاجة، تخيل مهما كان جمال الوردة لو فات عليها يوم
أو اتنين من غير ما تشرب الميّه هيكون وضعها إيه، عارف هتموت
وهيكون مالهاش لا شكل ولا لون ولا ريحة، عارف السبب إيه؟

هي ماتت مع إنك بتحبها، هي ماتت مع إنك بالفطرة بتحب
الورد..

هي ماتت عشان إنت ما قدرتش تفهم إيه اللي بيحافظ عليها
وعلى إنك تفضل تحبها وتشوفها حلوة في عينك، مع الأيام هتعرف

إن الكلام ببقل، ومش بيهوّن الوقت والعمر غير فكرة التفاهم، دي
الفكرة الوحيدة اللي غير قابلة للصدأ، دي المزيّل اللي بنمسح بيه
نافذة الأيام عشان نشوف المنظر كامل ونضيف، إفهم اللي هيشاركك
ويعرف تفاصيلك وعزّز نفسك أوي واللي يهمل فيك وفي مشاعرك عزّز
نفسك عليه بالتخليّ، واللي يومه يكمل من غيرك، لا تعاتبه ولا تلومه
لازم تكون فاهم إن العتاب مش بيكون لأفضل فئة بين البشر، العتاب
بيكون للناس اللي بتتكسف إنها غلطت أو أهملت، أو كان المفروض
تصلّح الموقف بأبسط شيء وهي كلمة آسف، كذب عليك اللي فهّمك
إن الاعتذار ضعف، أو مدّلة.. معاك إن فيه بشر مش فاهمة إن ده أقصى
درجات التصالح النفسي، معاك إن فيه ناس بتستغل ده وبتيجي عليك
مرة واثنين وعشرة بس أنا مش عايزك تنسى إننا بنتأمل التفاصيل
وبنختار اللي يفهمنا قبل ما يحبنا، تأملك بيكون مرهق لكن مريح..
لكن ممتع.. لكن مبهر.. في حالة اختيار الشخص اللي فاهم مودك
وتغيراتك اللي بتمر بيها طول اليوم، لازم تكون متأكد إن الشخص ده
قادر يستحملك وانت في كل الحالات، لأنه هو الشخص الوحيد المصرّح
له بإنه يشوفك وانت مبسوط، وانت زعلان، وانت مخنوق. مع إني
متأكد إنك أكبر من كده مهما كانت المتطلبات منك إنت أدّها، إنت
أقوى من إن الوجد يحبسك جُوه دوايره، وإن الوقت والتفكير يرهق
قلبك وعقلك، إنت أحلى بكتير من إن الحزن يغيّرك ويطفي ملامحك..
أنا متأكد إنك أدّها، وقریب جدًّا هتكون حبيّت.. إطمئن.




تراكمت

الزعل مش بيكون من الموقف أدّ ما بيكون من الشخص الي ما كنتش متوقع إنه يحصل منه كده، ومفيش حد بيزعل من حد غير لو كان له رصيد محبة ومكان جواه، الرصيد ده بيتوجد لأن ربنا رمانا في طريق بعض، وخلانا نتحمل ونشيل بعض في أسوأ الظروف والمواقف الي ما كانش مترتبها، وواحدة واحدة بدأنا نحس إننا من بعض، وبقينا مشتركين حتى في التفاصيل، بدأ يومنا يترتب بوجودكم، ومودنا أصبح مرتبط بمودكم، وبقيتوا الركن الي بنهرب فيه ونتدارى وقت الخوف، رتبنا حياتنا عليكم وما كناش عاملين حساب إنكم في يوم من الأيام هتمشوا أو تسيبونا، ما كناش عاملين حساب ولا متخيلين إن أكثر حد حبنا كان ممكن يوجعنا بالشكل ده، المشاكل والخلاف والاختلاف كانت حاجة صغيرة، وكنا بنعدي ونفوت مواقف كثير، بس مع كل مرة بنزعل فيها الرصيد ده كان بيقل والترتيب كان بياخذ اتجاه تاني، والصورة بدأت تنهز، لحد ما وصلت لمرحلة التشويش الي هي كل الحلو الي فيها اختفى والملامح بقت باهتة، فأصبح وجودها زي عدمه، وبعد كمّ التراكمات الي حصلت، إتغيرنا لدرجة إننا استغربنا نفسنا إحنا إزاي ببقينا كده، وفي الوقت ده هتلاقي الشخص زعل،

بس المرة دي قلبه اللي زعل وقفل منك ومش هيقدر يتقبل فكرة اعتذارك أو وجودك مرة ثانية في حياته، الموضوع موضوع تراكمات وخلص خِليص مش ببيجي بين يوم وليلة، ده زي ثقب السفينة يفضل يأكل في الجدار والأساس ومع ذلك السفينة مكملة وبتعافر وما حدش واخذ باله لأنها لسه ما مالتش، لحد ما توصل لمرحلة الانهيار والغرق ووقتها الكل هيلاحظ، لكن بكل أسف التوقيت ده ما ينفعش فيه إننا نقول نصلح اللي اتكسر ونرجعه زي الأول، لأن ببساطة مافيش حاجة بتتكسر وبترجع زي ما كانت، والإهمال أسرع طريق يوصلك لمرحلة إن قلبك يقفل من شخص، وإنك تعتبره ما اتوجدش من البداية، وبيكون مافيش في إيدك حاجة تعملها غير إنك تمشي، وتأنيب ضميرك وزعلك على حبة رصيد من حياتك اتوهبت لناس غلط، في أفضل مراحل حياتك..

كان نفسك تقابل الشخص اللي يحبك ويتقبلك بكل ما فيك، اللي يراهن الناس كلها على إنك صح واختيار صح، وإنك الركن الحقيقي اللي قادر يكبر فيه ويساعه كطفل رضيع محتاج حنية الأم ولهفتها وخوفها عليه لو لحظة غاب عن العين، قول لنفسك آسف واعتذر لبقايا روحك المنهكة، لبقايا المشاعر المستنزفة، واربط كل الكسور بعلاقة جديدة حية وخليها تشبعك وانت متظمن إن ربنا محال يتخلى عنك، كعابرس سبيل مارر بقريه مليئة بالشح، رافضين قطعة مدد، يكمل بيها الطريق، فأنزل الله المطر ليسقي عابر سبيل، اتظمن، وما تزعلش على اللي راح أو فات من سُكات ما كانش ليك، أو الوقت اللي قضيته مع ناس كنت ليها مجرد محطة بينسوا بيها ناس، في يوم من الأيام ربنا هيزرعك وردة في طريق ناس ثانية طريقهم كُله شوك، وانت الحاجة الوحيدة اللي رافضة الضرر، ولونها مبهر ومستسلمة محتاجة بس تتراعى، إنت الأمل اللي رسم ضحكة وسط كون ملبان

كآبة لناس كانت بتفتش على روحها في ناس تانية فَلِجِبِ القدر لعبته،
وجمعكم في طريق بعض، في اللحظة دي كانت روحكم وصلت لمرحلة
الهشاشة، وقلوبكم كان الضمور قرَّب من وريدها، وبدأت تفقد لونها
وثقتها في كل حاجة جنبها، كانت المراحل الأخيرة اللي كل واحد فيكم
فقد فيها كتلة الإحساس اللي جواه، والحاجة الحلوة اللي بتقويه على
الحياة لكن ربنا ما كانش غافل عنكم ولا عن روحكم، وسبَّب الأسباب
دي عشان كل واحد فيكم يشوف التاني عوض ربنا له، وبوِّرة النور
في ليل كاحل، وعين الميِّه في صحراء يكسوها اللون الأصفر، اطْمَنُوا،
لأن حكمة ربنا ممكن تكون بتتنافى مع رغباتنا لكن حكمة ربنا أولاً
وأخيراً مالهاش تفسير غير إنك تكون متطمئن ومبسوط لأبعد حد، وإن
الحنين يغرقك ويوصل لأبعد ركن مهمل فيك من الإهمال، هل ده
يرضيك؟ إطمئن..



مساحة

ببساطة: أهم شيء في الحياة هو تقدير نسبة المساحة وحجمها الحقيقي، لو إنت مثلاً بتسوق أو بتتعلم السواعة، هتلاقي أول حاجة مهمة مش إنك تخلي العربية تمشي؛ لأنك ببساطة لو راكب عربية أوتوماتيك، تلقائيً هتلاقيها بتمشي وحدها، وبكده هتبقى مهمتك انتهت، ده لو كان الغرض إنها تمشي وبس، لكن هتلاحظ إن أهم شيء عشان العربية تمشي وعشان توصل هو تحديد المسافة، إنت كمان كده؛ محتاج تعمل وتحدد المسافة لأي حاجة وأي شخص إنت أو هو بيقترب منك؛ لأن أسوأ حاجة ممكن تعيشها هو إنك تدمن وجود شخص في حياتك وفي لحظة يختفي، الإدمان بيحي عشان قريت أكثر من اللازم وما خلّتش بينك وبينه مساحة عشان خليت الشخص محور اهتمامك قبل ما يكون فيه دافع فعلي بيبيح الاهتمام ده، خليك بعيد وما تقربش أوي كده، أنا ما بقولش تبعد وتبقى انطوائي، مش بقول إنك تعزل البشر.. كل الحكاية إني بحبك، وخايف أوي جداً من إنك تتوجع وانت من جواك طيب، وممنتهى البراءة بتقرب وبتحضن اللي حبيتهم اهتمام وخوف، وإن يكون محور حياتك هو إنك تكون مطمئن عليهم وعلى وجودهم. خُد المساحة الكافية اللي تقدر تتحرك

فيها بكامل براحك وتلاقي فيها حريرتك، خد المساحة الي تساعدك إنك ترجع وتمشي من غير ما ترهق نفسك ولا تحطها في خانة يك، ومن غير ما ترتب حياتك ولا أولوياتك على ناس ممكن في لحظة تغيب عنك أو فكرة بقاءهم فكرة مستحيلة من العدم، المساحة مش كلمة هتعددي عليك بسهولة كده، أنا واثق إنك في نفس التوقيت ده هتعلم الصفحة الي وصلت ليها وهتاخذ نَفَس كبير وانت بتشرب فنجان قهوتك وبتبص على Notifications السوشيال للناس الي مهتم بيهم وبتراقب تحركاتهم، وفي الخلفية صوت هادي يا إما بيدل على النوم وشعورك بالوحدة يا صوت هوا داخل أوزتك، خُد قرار حاسم وانت بتقرأ الكلام ده، أنا الوحيد الي بقدملك النصيحة من غير سابق معرفة شخصية أو أي أغراض تانية؛ لذلك هتكون الأنسب ليك، حدد مكانك من وجود كل دواير القلق والعلاقات، إبعد إبعد إبعد عن خط المنتصف المُمَيّت؛ لأن ما حدش هيرحمك وقتها، شوف إنت فين بتعمل إيه، هل محور اهتمامك بيهتم بيك؟

هل الناس الي شاغلة تفكيرك إنت في حساباتهم؟

هل مبسوط عشان نفسك ولأ مودك مرتبط بوجودهم؟

هل الناس دي لو البشر كذبوك هيكونوا أول مَنْ آمنوا بيك وصدقوك؟

هل الناس ده بتسأل عليك لو الظروف شغلتك لشغل أو مرض أو حالة نفسية؟

بهدوء كده، لسه فنجان القهوة مخلص!؟

ولسة الرسائل والعتتب الي كنت بتفكر تبعته ما اتبعتش


أنا مش معاك ولا أعرف حاجة بس لو التفاصيل دي صادفت إنها
بتمثلك

إعرف إنها إشارة ربنا ليك قبل الغرق والتدمير النفسي قبل
الجسدي والروحي

حدد مسافتك ما بين كل الناس الي بتتعامل معاهم، وشوف انت
إيه بالنسبة ليهم ولحياتهم ولا تقرب أكثر من الازم ولا تبعد وتوصل
لمرحلة الجفا.

ماتسبش الوجد يحضنك كل يوم وكتر التفكير يسلب منك نعمة
النوم عشان هتتعجز وتحت عنيك هيسودّ وملامحك الحلوة هتبهت
وفي الحالة دي هتظلم الي عابزك بجد.

The soul needs a spirit that cares about it as it opens



الصدمة


واكفينا يارب شرّ الصدمة، والعلاقات اليّ مالهاش لازمة، والبدايات المكذوب علينا فيها، والنهايات اليّ واخدة روحنا وخارجة.

اكفينا شرّ سوء الاختيار وخصوصًا لو كان بشر، واكفينا ضحكة صفرا ماليانة غل، وأحضان كلها سموم في شكل ضل، اكفينا يارب الصدمة بأنواعها، وشر الحلو في عيّنّا مع إنه مش كويس ولا مناسب لينا، وشر الاهتمام باللي مش لينا، ما تعلقناش بناس يارب تاخذ الحلو اليّ في روحنا ومشي.. الصدمة جايز مريت بيها إنت أو هي أو إحنا كلنا مع بعض، جايز تكون الصدمة كانت في ناس قدروا يمثلوا علينا إنهم أنصف شيء ممكن يُكتسب، وفي أول محنة سقط القناع، جايز تكون الصدمة لنتيجة عمل أو امتحان أو اختبار وفشلنا في تقبّل الأمر بعين القدر، جايز تكون الصدمة على شكل رسالة أو رنة تليفون بنهني بيها علاقة بعد مدة اترتبت عليها حياة كاملة واطرست صورة لبيت وفيه أولاد في المستقبل، جايز تكون الصدمة لشخص قفل على قلبه سنين وأيام، ورافض فكرة إنه يحب أو يسيب روحه تروح لحد، أو يتقبل وجود شخص في حياته، وفي اللحظة اليّ حَس فيها وشاف الشخص

المناسب ليه أو اللي حس تاجه المشاعر، لما قرر يبوح ويعترف كان الرد كالآتي: آسف..

اللحظة دي بتسوّد فيها الدنيا أوي في عين المحب لما اتخزل بحكم الرفض، اللحظة دي بتعلّم في القلب كأنه شيء محفور مهما طال الوقت والظروف والأيام نسّته، بتفضل حتة موجوعة أوي جواه بتصحى من جديد أول ما الإسم يتذكر، أو يفتكر المكان والتوقيت، أول ما الصورة تظهر في خياله.. أسوأ شعور هو إنك تعشّم نفسك بحد يكون ليك وانت مش في حساباته ولا في حياته أصلاً، بس أنا بأكد عليك إن كل الظروف اللي مريت بيه، والرؤية فيها كانت عكس كل اللي بتحلّم بيه وتتمناه، صدقني خسارتك لكل حاجة حبيتها كان الباب الوحيد اللي بتخرج منه للنجاة.. اللي بتخرج منه لحياة ثانية وشاشة كبيرة مكتوب عليها بخط عريض "حمد الله على السلامة" لأنك كسبت روحك ونفسك، وكل الإحساس اللي حسيته تجاه ناس وخذلوك ربنا هيعوضك ويكرمك بناس تحس أضعاف إحساسك ليك انت، وهيعملوا كل حاجة يقدروا يعملوها ويقدموها ليك، عشان تكون مبسوط وبس، عشان تكون كويس ويكونوا هُمّا كمان كويسين إنهم بقوا جنبك.. قُربك من ربنا هو الوحيد اللي من خلاله ممكن أضمنك بعد رضا ربنا، إنك تقابل الشخص الصح ووقتها مهما كانت الظروف ربنا هيزرع في قلبه فكرة البقاء والتحمل ويّاك، وهو بكامل الرضا ناسي أي تعب أو شقا وفخور إنه جنبك وإنه هو الوحيد اللي إنت قادر تكون له كتاب مفتوح مكتوب بالعامية، لمجرد كلمة أو اتنين، فيفهم كل اللي البشر ما عرفوش يوصلوا له، الشخص ده هتحسه اتزرع جواك واطرّب على كل عادتك وخصالك، الشخص ده هيبكون هو الوحيد اللي قدير يوصل

للركن المهمل جواك، وهتلاقيه حاضنك بكل براءة واهتمام وخوف..
إطمئن، ربنا هينجيك من كل الظروف بس إنت قول "يا رب" من
جواك، إطمئن إنت في مُلك الوهَّاب.



بخاف

كلمة خوف كلمة مربية، وإحساس الخوف شيء مُرعب.

من واحنا لسه أطفال إتزرع جَوَّانا كلمة "خوف"، من خواطر بديهية طبعًا إنتِ عِشتها وأنا عِشتها وكلنا عشناها، عَرَّفونا إن الضلمة بتتبعتها كلمة خوف، وإن النار بتتبعتها كلمة خوف، وإن الخروج بالليل خوف، من وإحنا لسه صغيرين علماء الدين والمشايخ ارتكبوا خطأ كبير من غير قصد في حقنا كأطفال، علمونا الخوف من ربنا، وكانت كل الدروس والعِبَر بتكون عن الخوف من ربنا، ما زرعوش جَوَّانا من واحنا لسه أطفال حب ربنا، ومش المقصود بيها المعنى الحَرَفِي، المقصود بيها إنهم كانوا دايماً يفكرون بإننا نخاف من ربنا، كانت بتؤدي إلى نتائج عكسية، علمونا الحب لأن الحب فيه الحياة، والحياة خلق من مخلوقات ربنا أنعم علينا بيها كَبَشَر، علمونا نحب ربنا مش نخاف منه، وإن اللعب لوحدها خوف.. حاجات كتير اتربطت بالخوف، لَمَّا كَبَرنا عرفنا إن الحفاظ منها بيكون آمن ومالهوش معنى بالخوف.. إحنا كَبَرنا وعرفنا الخوف الحقيقي، إننا نخسر حد من أهلنا أو الناس اللي بنحبهم من الدرجة الأولى، كَبَرنا وعرفنا إن الفشل خوف، وعدم النجاح شعور مميت وسط البشر، إحنا كَبَرنا وعرفنا متأخر إن

أكبر مراحل الخوف هو إننا نخسر نفسنا عشان نرضي غيرنا.. مع الأيام والوقت هتعرف إن الأمان الحقيقي هو إنك تستشعر وجود ربنا ومراقبته ليك، وقتها هيتمحي الخوف لو كانت العلاقة دي حقيقية ومن جواك مش شيء مصطنع. أجمل حاجة ممكن تمحي بيها شعور الخوف هي إنك تحس إن بينك وبين ربنا أمان، متخيل؟ جرب تقوي علاقتك كده بربنا، هتلاقي نفسك بقيت مش فارق معاك أي حاجة غير إنك تخلي العلاقة دي مستمرة وفي نفس الوقت قلبك هيرق أوي جدًّا وهيلين، ووقتها ربنا هيحميه وهيحافظ عليه للي يقويه ويستاهله، شعور القرب من ربنا في محراب الصلاة أيًّا كان الاعتقاد، بيوحى للعباد بإنه في أعلى مراحل القوة وقتها.. فاطمئن..

شوفوا القصة دي واتعملوا منها وخذوا الوعد والعهد.. إننا نستشعر وجود ربنا في كل لحظة بنعيشها لكن استشعار حقيقي ويقيني ومتلازم طوال الوقت.

يروى: إن الإمام "أحمد بن حنبل" بلغه أن أحد تلامذته يقوم الليل كل ليلة، ويختم القرآن الكريم كاملاً حتى الفجر، ثم بعدها يصلي الفجر؛ فأراد الإمام أن يعلمه كيفية تدبُّر القرآن فأتى إليه، وقال: بلغني عنك أنك تفعل كذا وكذا.

فقال: نعم يا إمام..

قال له: إذاً اذهب اليوم وقم الليل كما كنت تفعل، ولكن اقرأ القرآن وكأنك تقرأه عليّ.. كأنني أراقب قراءتك، ثم أبلغني غداً.

فأتى إليه التلميذ في اليوم التالي وسأله الإمام فأجاب:

- لم أقرأ سوى عشرة أجزاء.

فقال له الإمام: إذًا اذهب اليوم واقرأ القرآن وكأنك تقرأه على رسول الله صلى الله عليه وسلم.

فذهب ثم جاء إلى الإمام في اليوم التالي وقال لم أكمل حتى جزء "عمّ" كاملًا.

فقال له الإمام: إذًا اذهب اليوم وكأنك تقرأ القرآن الكريم على الله عز وجل.


فدهش التلميذ ثم ذهب.

في اليوم التالي جاء التلميذ دامعًا عليه آثار السهاد الشديد؛ فسأله الإمام: كيف فعلت يا ولدي؟

فأجاب التلميذ باكيًا: يا إمام.. والله لم أكمل الفاتحة طوال الليل!!

يقول الله عز وجل في حديثٍ قدسيٍّ شريفٍ:

يا عبادي، إن كنتم تعتقدون أي لا أراكم فذاك نقص في إيمانكم، وإن كنتم تعتقدون أي أراكم، فلم جعلتموني أهون الناظرين إليكم.



نصيحة

جَت في السوستة، يعني إيه؟

ده كيان عالي أوي..

أيوه يعني إيه أو إيه هيفيدني منه؟

بهدوء كده مع فنجان قهوة وورقة بيضة وهاند فري واتأمل

التفاصيل دي.

جَت في السوستة ده كيان كبير بيضم أكبر فئة ناضجة لأبعد حد من ناس متوسط أعمارهم ما ينفعش يتحدد؛ إيماناً منهم بالحرية الفكرية، ناس مؤمنة بحب الخير لغيرها بدون تبرير، كشخص بيهادي الورد بدون أسباب، أو عابر سبيل آمن لأهل المكان من حُسن الضيافة والكرم، الكيان ده لو اللي بيقراً في الكتاب حالاً بنت، بكل فخر مش هتقدري تدخليه كونك بنت وبس، لكن دورك إنك تعرّفيه لأخوك ووالدك وخطيبك وكل الناس اللي يهملك إنهم يكونوا صح؛ لأن المعاملة والنصيحة اللي هتتقدم ليهم هتكوني إنتِ المستفيد الأول منها بعدهم، ولو اللي بيقراً شاب يبقى مبروك عليك الأهل والعيلة والصحاب لمجرد وجودك وسطهم من أول لحظة، هتلاقي أفراد الكيان ده يمكن

فيه شبه كل دولة، وفيه كل وظيفة موجودين.. متخيلين، بعد قولة
يارب بتطلب مطلبك أو استفسارك بتلاقي ألف واحد بيسارع
عشان يساعدك أو يخدمك من غير كلمة شكر أو ثناء من حد، الناس
دي اللي سيدنا النبي قال عنهم

روى الطبراني عن ابن عمر رضي الله عنهما، إن رسول الله -صلى
الله عليه وسلم- قال:

"إن لله تعالي عبادةً اختصهم بحوائج الناس، يفزع الناس إليهم في
حوائجهم، أولئك هم الآمنون من عذاب الله."

كان من دواعي سروري إنهم سمحوا لي بفرصة الوجود وسطهم
والي اعتبر نفسي من المحظوظين وقتها إني دخلت البيت ده، ومبنتهى
البراءة بيعرض كل واحد فيهم اللي جوّاه على حقيقته من غير أي
تصنّع أو ادعاء وهو بيستفسر أو بيعرض مشكلة أو محتاج نصيحة
وهو متأكد إنه بيكلم ناس سوية مالهاش أي أغراض تانية غير إنهم
يقدموا اللي المفروض يتقدم، شكرًا لكل نصيحة اتقدمت برفق ولين،
لكل منصت كان مهتم لغيره، لكل ساعي للحلول الممكنة، من خلاله
الناس دي بتقدم النصيحة من غير قسوة.. فاطمّن..

كونوا جبلاً يتحمل، كونوا صخرًا لا ينكسر، كونوا أقوى من أن
يهزمكم شيء تافه.

ما بين الحقيقة والشك حياة

أسوأ مرحلة ممكن للإنسان يوصل لها هي مرحلة الذبذبة الفكرية، بمعنى تاني شعور إنك تكون شايف الي قُدامك ده ما بين الحقيقة وما بين الكذب، شعور مرعب لأنه بيقتل كل حاجة حلوة لو كانت موجودة ولو لو كانت لسه في طريق إيجادها، شعور الشك هو الأقرب إلى الموت. بمعنى: إنك بتفقد رغبتك في أي حاجة، ولمجرد حبك لشي ما بتلاقي نفسك من جواك موجدع أوي وفي نفس اللحظة مش عارف إنت صح ولأ غلط ودايمًا مرهق الفكر وبتعاني من نقص تام في هرمون الدوبامين، وهنا بتصبح إنسان بئس أوشك على الاكتئاب، بديهى كده، إزاي هتفرح ومن جواك شاكك إن الفرحة دي مصطنعة؟ إزاي هتحب وانت شاكك إن حبيبك مش ليك أو مش مؤمن بوجودك في حياته، أو زاد الشك لأنه بيخونك، مرحبًا بمعاليك في المنتصف المميت.

لازم نؤمن إن ضريبة أي خيانة بنزتكها في حق غيرنا لازم نُعاقب بيها من رصيد الفرحة الموجود، يعني الي بيخون دايمًا عنده متلازمة إنه بيتخان، الي بيكذب مش قادر يصدق حد، والي بيخون علاقة

ويقول أي كلام لمجرد وجود شخص، دايماً لو سمع كلمة حقيقة من شخص حبه بجد، سيكون جواه إحساس هيقنتله، يا ترى أنا رقم كام؟ وكام واحد سمع الكلمة دي قبلي؟ عشان تظمن، عمرها ما هتيجي بالشطارة؛ لأنك ببساطة مش هتتعرف تخدع ربنا قبل ما هتخدع اللي معاك، عشان تظمن لازم ترضى وتحمد ربنا على اللي معاك عشان هو يراضيك، وقتها بس ربنا هيسمح للأمان إنه يملا حياتك وقلبك، وهتلاقى نفسك إنت النور اللي غيرك بيشوف بيه، وانت الركن اللي بيتدارى فيه وقت ما الأيام تيجي عليه، وهو متأكد ومتظمن إنه في أمان..

خُدها قاعدة:

عُمرِكَ ما هتآمن وهتتخان، ولو حصل الحقيقة هتبان، ووقتها اسمها ربنا حماك ما حرمكش.

توجد قصة خيالية تُقال أحياناً على سبيل المُزاح، لكنها تكشف عن واقع مُرّ يعيش فيه الكثيرون.

قيل إن آدم ترك حواء بضع ساعات ثم عاد، فسألته حواء: "لماذا تأخرت يا آدم؟ أين كنت؟"

بهدوء قال آدم لحواء: "كنت أعمل في الحقل"

تشككت حواء في الأمر، وقالت له: "إنني متأكدة أنك لم تكن تعمل لكنك كنت مع سيدة أخرى."

دُهِش آدم، كيف تشك حواء في حبه لها وفي طهارته، ولكي يؤكد لها أنه لم يفعل ذلك، قال: "ألا تعرفين يا حواء أنه لا

توجد أية سيدة أو فتاة في العالم، فإن الله لم يخلق لي امرأة إلا أنتِ؟!"

صمتت حواء وهي تُفكر في الأمر في شيء من الجدّية، ثم قالت له:
"حقًا.. لم يخرج من أضلاعك غيري!"

هدأ الجوُّ بين آدم وحواء، ولكن إذ حلَّ المساء ونام آدم قامت
حواء في هدوءٍ تكشف صدر آدم لتحصي ضلوعه، إذ شعر آدم بما فعلته
استيقظ مضطربًا، وهو يقول لها: "ماذا تفعلين يا حواء؟"

أجابته: "إني أردت إن أطمئن أن الله لم يخلق امرأةً أخرى من
ضلوعك، فلا ترتبط بأخرى سواي."

إنها قصة رمزية خيالية لكنها تكشف أنه حين يُصاب الإنسان
بالشك يفقد ثقته حتى في الله خالقه الذي يراعه ويهتم
بخلاصه وأبديته.

قصه واقعية وسببها الشك..

نار الشك.

أكثر السموم دمارًا للحياة الزوجية "سُمُّ الشك وانعدام الثقة"، وقد
يفسرهُ البعض بأنه زيادة الحب والاهفة مع أنه عكس ذلك تمامًا؛
فعندما يشك أحد الزوجين في الآخر بلا أي مبررات، سرعان ما يشك
في نفسه؛ فالمصاب بالشك هو في الأصل فاقد إعطاء الحب، وغالبًا
ما تكون نهايته الانفصال والطلاق، أو ما حدث في هذه القضية لزوج
عاش حياته الزوجية فاقدًا العطاء والثقة؛ فهو رجل يبلغ من العمر
ثلاثة وأربعين عامًا وامتزوج من امرأة تبلغ من العمر ثلاثة وعشرين
عامًا وأنجب منها ثلاثة أبناء، فهي زوجة جميلة، هادئة في طباعها
ومشاعرها، تزوجت في الخامسة عشر من عمرها، وعاشت مراهقتها
إلى جانب المسؤولية والأبناء، ولم تقترب من واقع الحب والحقيقة، بل
كانت تعيشه بما تسمعه وتراه بأعين مثيلاتها؛ ففارق السن كان يفقدها

وجود الزوج أو الرغبة في تغييره؛ فكلماته الجارحة وقسوة معاملته جعلت منها مجرد جسد يعيش الواجب وظروف الحياة لكن ذلك أثار على ثقة الزوج بنفسه، وشعوره باحتمال وجود البديل الذي عوضها بعده عنها، الذي جعلها زوجته تعيش بصمت من دون اعتراض؛ لذلك زُرِعَت أشواك الشك في قلبه وبدأ يشعر بخيانة كل من حوله؛ فجرس الباب خائن، والهاتف خائن، وغيابها ونومها خائن..

فبدأ يراقب تحركاتها، دخولها وخروجها من منزله، فيقف ساعات طويلة أمام المنزل.. أكثر من ساعتين بعيداً عن الأنظار..

وفي يومٍ من الأيام، تقدمت سيارة غريبة يقودها رجل غريب أمام المنزل، وما إن وقف هذا الرجل حتى نزلت زوجته برفقة هذا الرجل مسرعة، وبسرعة البرق تتحرك السيارة الغريبة وما كان عليه إلا أن يحرك سيارته بسرعة ويقودها بسرعة جنونية وهو يتفجر غضباً. لم يستطع أن ينظر ليرى إلى أين تتجه زوجته، فما كان منه إلا أن اصطدم بهذه السيارة الغريبة محاولاً إيقافها، وما إن توقفت السيارة حتى خرج من سيارته واتجه نحوها وكانت المفاجأة؛ فقد كانت المرأة التي يلاحقها جارتها التي تسكن في المبنى ذاته، والرجل الذي كان معها هو أخوها الذي كان مسرعاً لنقلها إلى أقرب مستشفى من أجل ولادتها، أما هو، فقد وُجِّهت إليه تهمة بالاعتداء العمد والسجن لمدة عام. اتركوا الشكوك وكونوا أنقياء من الداخل، واجتنبوا أن تجعلوا أبرياءً ضحايا لكم ولفكركم.

12:00 PM

لحظة ثبات لكل حاجة كانت في يوم طويل انتهى قبل الخلود لذكرى النوم والمشهد المعتاد كالعادة يتكرر، لحظة تدبّر لبكرة وحسابات جبرية مش مضمونة ورسم خطة أمل جايز يكون مقررها من سنتين أو أكثر، لحظة بنحمل فيها العقل أكثر من اللازم بلا رحمة عشان روحنا.

كام تنهيدة وكام كلمة حبست جواها مشروع الفكر الحالي، جايز تكون راضي عن نفسك وعن يومك لكن في النهاية حاسس إنك محتاج أكثر من اللي معاك، جايز تكون منزعج لأبعد حد، وحاسس بالبؤس أو إنك مضطرب، طبيعي لما نوصل لتوقيت الساعة اللي بيتندي فيها يوم جديد وهو لسه في علم الغيب وانت مستعجل تعرف بكرة فيه إيه، تبقى محتاج إنك تعيش وتحس شعور الأمان الداخلي، أكيد جواك رُكن مُهمَل وصورة على تليفونك أو متعلقة على حيطتك جنب شماعة لبسك، قبل نومك عينك جت على الصورة فافتكرت إنها مش كاملة واللي غايب منها الأرض بقيت حضناه.. جايز، أو افتكرت عشرة سنين انتهت من موقف تافه، أو الصحاب طلعا زمايل مش صحاب، أو حد بيمثل إنه بيحبك وهو أول واحد بيتكلم في ضهرك، جايز الناس

اللي دخلت بيتك وآمنت ليهم هُمَّا أول ناس خذلوك وخانوك، جايز
اللي فضَّلْتهم على نفسك وامنيت ليهم الرِّضَا هُمَّا اللي نزلوا دموعك
وشوهوك من جُوه كده.

عمومًا، برغم كمِّ الأحداث والصور اللي عمال تستشعر وجودها،
والمواقف اللي بتحضر قبل نومك وتفتكرها، عايزك تتأكد إنك عادي
جدًّا وإنك طبيعي واللي بيحصل حصل مع ملايين قبلك ولسه هيحصل
وهيفضل مستمر، لكن في النهاية هتلاقي حاجة مغيرة كل المسار،
والطريق بقى نور والقلوب بقت بتططب، هتلاقي عوض ربنا حل
عليك من كل جانب واللي كان منسي بالنسبة لك هينبت من جديد
لأجلك، لأجلك إنت وبس، هتلاقي ربنا زراع جواك شعور السلام
الداخلي وأدِّ إليه هتحس إنك متطمئن وشايف الحياة بشكل يرضيك
من جواك ومرضي بكل اللي حواليك، اللي إنت مريت بيه وهتمر
بيه دي محطات الاختبار الداخلي لتقييم اليقين الحقيقي اللي جواك
لاختبار صبرك وثقتك في ربنا، جايز يكون الوقت والاختبار طوَّل، جايز
تحس شعور برودة العبادة اللي هو يعني إن دُعَاك مش مسموع أو
ربنا مش هيستجيب ليك، ودي كلها أمور مزعومة، ربنا بياخد بإيدك
وبينجيك في كل مرة بتقول فيها يارب، إشارات ربنا في كل لحظة بتلف
حوالك وبتدور لخدمتك لأن لو مصمم إنك تشوفها بعينك يبقى
شرط ضروري إنك تؤمن الإيمان الكامل بالله بكل تفاصيله، ووقتها
هتشوف معجزات ربنا بتحصلك، هتشوف الأمور بتتبدل عشان
راحتك، وهتلاقي ناس مش شاغل حياتها ولا تفكيرها غير رضاك وبس
وقتها هتحس إنك عزيز النفس ومعمول لك كرامة وحساب، وبيتعمل
لزعلك ألف ألف حساب لأنك عزيز وغالي عند ربنا فطيعي الناس
تشوفك كده، بطلَّ تحسبها لأن حساب ربنا أضمن وأحلى من حسابات
كل البشر، حساب ربنا مالهوش منطق بشري لأنه بيقول للشئ كُنْ

فيكون، متخيل القدرة، متخيل العظمة؟ متخيل التنزيه الي حضرتك ربنا وضعه لراحتك إنت بس، قول يارب وخرج النفس الي كاته جواك وفضفض مع ربنا لأن الناس مش بتقول غير معلنش وهيمثلوا عليك الحب وهُمًا جواهم كُره السنين، مش كل الناس تستاهل طبيبتك ولا إحسانك ليهم.

شوف القصة دي كده وتدبر معانيها.

قصة وعبرة: يحكى أن سيده عثرت على ثعبان كبير جائع بردان؛ فقررت أن تنقذه مما يعانيه فأخذته الي بيتها وأوته وبدأت تطعمه حتى كبر الثعبان و أخذ يعتاد عليها فينام بجانبها ويتبعها في كل مكان تذهب إليه، وفي يومٍ ما توقف الثعبان عن الأكل تمامًا و حاولت معه السيدة الرحيمة أن يأكل خوفًا عليه و هي تظن أنه مريض لكن الثعبان ظل على حاله أسابيع طويلة كما هو الحال؛ لا يأكل، يتبعها يتدفاً بها، ينام بجانبها، بينما هي حزينة عليه تفكر كيف تجعله يأكل.. أخيرًا و بعد عدة أسابيع قررت أن تأخذه إلى البيطري ليفحصه لعله مريض، فيه أمل في الشفاء، سألتها الطيب حين شاهد الثعبان يتحرك حول المرأة: هل هناك أي أعراض عدا قلة شهيته؟ فأجابت المرأة: لا شيء آخر مهم. سألتها الطيب: هل ما يزال يرقد بجانبك؟ فردت السيدة الطيبة: نعم، هو متعلق بي، يتبعني أينما ذهبت، و ينام بجانبني في السرير، أحيانًا يلتف حولي طمعًا في الدفء، لكنه حين أستيقظ يتبعني بعينه فأهرع إلى تقديم الطعام له فلعله جائع لكنه للأسف لا يأكل شيئًا ويظل مكانه.

تبسم الطيب وقال لها: يا سيدتي، إن الثعبان ليس مريضًا بل يستعد لالتهامك، إنه فقط يحاول أن يجوع فترة طويلة حتى يمكنه أكلك، ويحاول كل ليلة أن يلتف حولك ليس حبًا فيكٍ لكن يحاول

أن يقيس حجمك مقارنة مع حجمه حتى تستوعب معدته وجبة بحجمك، إنه يعدّ العدة للهجوم عليك في الوقت المناسب؛ فخذني حذرک وتخلصي منه سريعًا.

قصة مرعبة ربما، لكن تحدث كل لحظة حولنا، ورمزيتها في أننا قد نأمل أننا نستطيع تغيير مَن حولنا بالحب، ربما ننجح أحيانًا لكن هناك طبيعة متجذرة في البعض لا ينفع معها الإحسان ولا تعالجها المحبة والاقتراب منه خطر جسيم! بادر بالتخلص من ثعبانك (الأصدقاء، ورفقاء السوء) وارأف به لكن دون أن تقرّب به منك..

هختم لك الكلام ده بكلمتين اتنين

سيدنا عُمَر قال: "اعتزل ما يؤذيك".

الانتظار

الانتظار هو الحالة الوحيدة التي تؤكد الاهتمام ولهفة الشوق لرؤية الشيء المدلل لديك.

فاكر المشهد ده، فاكرين صالح سليم وهو بيعت ليلي اللي جواه،
نقرأ المشهد كده:

عزيزتي ليلي..

لم أكن أريد أن أستعمل كلمة "عزيزتي" بل أردت أن أستعمل كلمة أخرى، كلمة أقرب إلى الحقيقة وإلى شعوري نحوك، ولكنني خفت أن أخيفك وأنا أعرف أن من السهل إخافتك، من السهل بشكل مؤلم، مؤلم لي على الأقل..

وهذا أيضًا هو سبب ترددي في الكتابة إليك، ولكن حنيني الجارف إلى الوطن لم يترك لي الاختيار، فقد أصبحت أنتِ رمزًا لكل ما أحبه في وطني، وعندما أفكر في مصر أفكر فيكِ، وعندما أحنُّ إلى مصر أحنُّ إليك، وبصراحة أنا لا أنقطع عن الحنين إلى مصر.

أكاد أراك تبتممين، فأنتِ لا تصدقينني أليس كذلك؟ أنتِ لا تثقين بي، أنتِ تقيمين بيني وبينك الحواجز، أنتِ لا تريدين أن تنطلقني وأن

تتركي نفسك على سجيبتها، لأنك تخشين أن تتعلقي بي، أن تفني كيائك في كيائي، أن تستمدي ثقتك في نفسك وفي الحياة مني، ثم تكتشفين كيائك مدلوقة -كالكهوة- في غرفتي، وأنا أحبك، وأريد منك أن تحبيني، ولكني لا أريد منك أن تفني كيائك في كيائي ولا في كيان أي إنسان، ولا أريد لك أن تستمدي ثقتك في نفسك وفي الحياة مني أو من أي إنسان، أريد لك كيائك الخاص المستقل، والثقة التي تنبعث من النفس لا من الآخرين.

وإذ ذاك -عندما يتحقق لك هذا- لن يستطيع أحد أن يحطمك لأننا ولا أي مخلوق، إذ ذاك فقط، تستطيعين أن تلطمي من يلطمك، وتستأنفي المسير، وإذ ذاك فقط تستطيعين أن تربطي كيائك بكيان الآخرين، فيزدهر كيائك وينمو ويتجدد، وإذ ذاك فقط تحققين السعادة، فأنتِ تعيسة يا حبيبتي، وقد حاولت، ولم تستطعي أن تخفي عني تعاستك...

لقد انحبست في الدائرة التي ينحبس فيها أغلب أفراد طبقتنا، دائرة الأنا، دائرة التوجس والركود، دائرة الأصول، نفس الأصول التي جعلت عصام يخونك، وجعلت محمود يشعر بالعزلة في معركة القناة، وجعلت طبقتنا، كطبقة، تقف طويلاً موقف المتفرج من الحركة الوطنية، نفس الأصول التي تكرهينها وأكرهها، ويكرهها كل من يتطلع إلى مستقبل أفضل لشعبنا ووطننا.

وفي دائرة الأنا، عشت تعيسة، لأنك في أعماقك تؤمنين بالتححرر، بالانطلاق، بالفناء في المجموع، بالحب، بالحياة الخصبة المتجددة.. عشت تعيسة لأن تيار الحياة فيك لم يمّت بل بقي حيّاً يصارع من أجل الانطلاق.

فلا تنحسي في الدائرة الضيقة، إنها ستضيق عليك حتى تخنقك أو تحولك إلى مخلوقة بليدة معدومة الحس والتفكير...

انطلقى يا حبيبتى، صلي كيانك بالآخرين، بالملايين من الآخرين، بالأرض الطيبة، أرضنا، بالشعب الطيب شعبنا،

وستجدين حبًا أكبر منى ومنك، حبًا كبيرًا، حبًا جميلًا.. حبًا لا يستطيع أحد أن يسلبك إياه، حبًا تجيدين دائماً صداه يتردد في الأذن، وينعكس في القلب، ويكبر به الإنسان ويشتد: حب الوطن، وحب الشعب..

فانطلقى يا حبيبتى، افتحي الباب عريضاً على مصراعيه، واتركيه مفتوحاً، وفي الطريق المفتوح ستجدينى يا حبيبتى، أنتظرك، لأني أثق بك، وأثق في قدرتك على الانطلاق، ولأني لا أملك سوى الانتظار.. انتظارك.

فكرة الانتظار المرتبط بالتفاهم والرأفة والحنين في العتاب مالهاش تفسير غير إن القلب وصل لمرحلة التغيير الجارف اللي بتكون مستعد فيها إنك تعارض الكون بحاله عشان حالة، حبيتها فامثنيتهأ فأمنت بيها وبوجودها، الانتظار مش بييجي غير من رصيد الحب البالغ أثره في النفس والقلب ومرحلة الترميم اللي بدأت من أبعد جزء جواك كان غايب عن ثقافة الفهم والوعي والشعور بالوحدة، وقت انتظارك أد إيه هتחס بقيمة الشخص أو الشيء المنتظر، ربنا أوجد فكرة الانتظار عشان ليها حكمتها في تقييم الأشياء سواء أشخاص أو أشياء معنوية، عمرك ما هتقدر تعرف قيمة الشخص بالنسبة لك أد إيه غير لما تنتظره أو تحس شعور إنه ممكن يبعد عنك ويختفي، حالة الانتظار هي اللي بتجدد اللفتة دي كأنك أول مرة بتشوفه أو تعرفه فيها لما تتقابلوا بعد وقت طال تقديره من الزمن راقبوا العيون ولمعتها، والإيد

ورعشتها، والضحكة اللي من جُوه خبت ملامحك كلها وقت اللُقا بعد
شوق الانتظار، الانتظار نعمة بيتجدد بيها حبنا للناس اللي تستاهله،
فانتظروهم واستنوا عليهم وراعوا مشاعرهم وظروفهم، وتبّتوا فيهم
على أَدّ ما تقدروا عشان لحظة اللُقا بينكم ما بتتكررش كثير وقتها
انتظروهم هيرجعوا.. إطمّنوا..

كل حاجة بوقتها

كان هناك رجلٌ عُرِفَ عنه التقوى والصلاح، كان هذا الرجل كلما أصابته مصيبة أو بلاء ما كان يقول دائماً خيراً إن شاء الله، وفي ليلة من الليالي جاء ذئب فأكل ديكاً له كان يربيه في مزرعته، فقال الرجل جملة المعتادة: خيراً إن شاء الله، ثم ضرب في هذه الليلة كذلك كلبه الذي كان يحرس منزله فمات على الفور، فقال الرجل من جديد: خيراً إن شاء الله، ثم سمع حماره ينهق ويموت قدرًا، فقال الرجل: خيراً إن شاء الله؛ فتضايق أهله كثيراً منه، واتهموه بالبرود والبلادة. وفي اليوم التالي نزل أناس أشرار ظالمون أغاروا على بلده فقتلوا كل من بالمنطقة ولم ينجُ منها إلا هو وأهل منزله فقط، حيث استدل الذين اعتدوا على المنازل بصياح الديكة ونباح الكلاب ونهيق الحمير، وهكذا قد مات كل من كان يملكهم، وكانت كل الأشياء التي أصابته هو وأهله في الليلة السابقة خيراً لهم وسبباً في نجاتهم من القتل؛ فسبحان الذي يدبّر الأمر وهو بكل شيء عليم.

وعلى جانب آخر من رصيد الصبر المُحمَّل بالرضا..

يُحكى أن كان هناك رجلٌ من الصالحين مسافراً إلى بلده وفي طريقه مر على رجلٍ أصابه شلل نصفي والدود يتناثر من جنبه، وهو

أعمى وأصم، وعندما مر عليه هذا الرجل الصالح وجده يهمس قائلاً:
"الحمد لله الذي عافاني مما ابتلى به كثيراً من خلقه". تعجب الرجل
كثيراً من قول هذا الرجل المُبتلى بالعديد من الأمراض والذي يعيش
معيشة صعبة جداً، فاقترب منه وسأله: يا أخي، لقد رأيت جميع
المصائب والابتلاءات والأمراض مجتمعة فيك، فما الذي عافاك منه
الله؟

ابتسم الرجل الأعمى وأجابه في بساطة: عافاني إذ أطلق لي لساناً
يوحِّده ويحمده، وقلِّباً يذكره في كل وقتٍ وحين.


كان هناك شاب يدعى هارون، يبلغ من العمر 24 عاماً، وقع في
حب فتاة جميلة أعجبتة كثيراً تدعى ليلى، استمر هارون فترة طويلة
يحاول التقرب من ليلى أو حتى التعرف إليها، ولكنه لم يتمكن من
ذلك، وفي نهاية المطاف قرر أن يستجمع شجاعته ويتجه إليها مباشرة
ويطلب منها التعرف إليها، فوجدها أيضاً لا تمانع التعرف إليه، وأصبحت
أصدقاء في فترة قصيرة.

كان هارون دائماً يبحث عن الفرصة المناسبة ليخبرها بحقيقة مشاعره
نحوها ولكن الحظ لم يسانده، ومع ذلك كانت ليلى تشعر بحبه لها
من معاملته معها وأسلوبه، ولكنها حاولت ألا تترك له الفرصة ليخبرها
بذلك، على الرغم من أنها تدرك كل شيء.

وذات يوم قرر هارون أن يرأسلها ليخبرها عن حبه لها، وأنه لم
تكن له فرصة ليخبرها عن ذلك، وبعد مرور عدة أيام ردَّت ليلى
على رسالة هارون وأخبرته أنها لا يمكنها أن تستمر معه في صداقتهم،
سألها هارون مصدوماً عن السبب، فردَّت ليلى أنها لا تحبه ولا تشعر
تجاهه سوى بمشاعر الإخوة، وأنها سوف تتزوج خلال وقت قريب
وأنها تعتبره مجرد صديق وأخ لا أكثر ولا أقل، كانت ليلى تكذب في كل
أحاديثها، وكانت قد بدأت بالفعل تشعر بمشاعر حب وإعجاب تجاه

هارون، ولكنها حاولت الهرب من هذه المشاعر، فهي تخشاها بشدة، ولا تريد التورط في علاقة قد تجعلها تخسر قلبها إن انتهت في أي وقت. لم يدرك هارون هذا، فقط استمع إلى كلمات ليلي وصدقها، وبعد سماعه هذا الخبر انهار نفسياً وأصبح منغلّقاً على نفسه لساعات وأيام وشهور طويلة، لا يتحدث مع أحد ومنعزلاً عن كل شيء حوله، حتى أصابته جلطة دماغية وانتهت حياته.

دع كل شي لله لأنه لأنك مملوك لله، واتطمئن لأن مهما القدر رماك ووداك مش هتكون غير في الصالح ليك واللي يرضيك وبس، إتطمئن وخلي الأمل يملا كل جزء فيك وانت مقتنع وعندك الإيمان الكامل بإنها بكرة هتتعديل وهتفرج وهتلاقي اللي بتعلم بيه وتتمناه بين إيديك، هتلاقي ربنا عوضك بصورة إنت مستغربها، إنسى الدوشة اللي ماليك والكرربة اللي جواك، إنسى إنك انهزمت في علاقة، أو تأثرت في روح، أو اتوجعت ورافض فكرة التعافي من العلاقة، اتعشم في ربنا وفضفض واحكي وانت فخور ما تروحش للناس؛ لأن ما فيش في إيديهم ولا بوسعهم غير كلمة معلش، سيب القدر يوديك وياخذ بإيدك لبر الأمان الحقيقي، عشان ربنا يكرمك وتلاقي الإنسان السوي اللي يحترمك ويكون فخور بوجودك في حياته وإنك مشاركة كل التفاصيل بحلوها ومُرّها، بفرحها بضيقها، وقتها هتحس إنك مش لوحك ولا هينفع تعيش الإحساس ده تاني، عوض ربنا لما بيجي بينسي أي وجع أو أي سحاية حزن مرت وسكنت فيك، بينسي كل الأضرار اللي كان هدفهم تحطيمك وتكسير قواك النفسية، بيزيل كتل الإحباط المتمثلة في صور ناس بتحبك، كل شيء بوقته، إطمئن.. هانت.



نهاية البداية

دي المرحلة اللي بنبدأ فيها نسكت ونبطل نعاتب ونشكي عشان العتاب واللوم بيتفهم إنه نكد، دي المرحلة اللي بنقول فيها كبر دماغك بقى وفوت وعدي، ده التوقيت اللي بنكون شبعنا من جونا تحمّل وفاض بينا وروحنا بقت هشة، دي المرحلة اللي بنسكت فيها وقت ما كان لازم نتكلم ونقول عشان المركب تمشي، إحنا ما كناش عارفين إن سكوتنا بيغرق المركب وقتها، ما كناش راضيين بالعتاب واللوم لحد ما كل حاجة انتهت واتبخرت، وكل واحد فينا خلص الحلو اللي ليه عند الثاني من كتر السكوت والمواقف اللي اتسكت عليها من غير عتاب، لأ العتاب حلو، العتاب بيصفي روحنا من جونا، إزاي يجيلك نفس تحضن حد وانت من جواك مش صافي، إزاي بتضحك في وش واحد وانت أصلاً جواك كلام كتير مزعلك مش قادر تقوله؟؟ إزاي هنمسك إيدين بعض ونتحدى العواقب واحنا مش مأمنين لبعض، إزاي بنوهب روحنا لبعض وكل واحد فينا بيهمل في حق الثاني، ما توصلنيش إني أتمنى أكون ولا بسمع ولا بشوف، ما تخليش الكلمة اللي لساني دايماً يرددها في حال نفسه، "يا ريتني، وأنا ليه عملت كده في نفسي"، فتشوا جؤه بعض.

يعني لما شريك أو صاحبك أو حد من أهلك أو زمائل شغلك اللي كان بينك وبينهم كامل الود سكت فجأة، اعرف إنه اتصدم جايز تكون مظلوم وجايز تكون مش قاصد اللي حصل، وجايز تكون زعلاتة وانت مش واخذ بالك، عشان ترتاح من كل الظنون دي، مافيش طريقة ولا حل غير الكلام، العتاب آه مرهق، بس بعد إرهاب العتاب بتحس بسلام داخلي وراحة، بتحس بقيمة الشخص اللي معاك، وبتاخذ بالك من كل التفاصيل اللي كانت غايبة عنك.

الزعل مش بيكون من الموقف أدّ ما بيكون من الشخص اللي ما كنتش متوقع إنه يحصل منه كده، ومافيش حد بيزعل من حد غير لو كان له رصيد ومكان جواه، بنعدّي ونفوّت مواقف كثير بس مع كل مرة بنزعل فيها الرصيد ده بيقل والصورة بتبدأ تتهز، لحد ما توصل لمرحلة التشويش اللي هي كل الحلو اللي فيها اختفى والملاح بقيت باهتة، فأصبح وجُودنا زي عدمه، وبعد كمّ التراكمات اللي حصلت، هتلاقي الشخص زعل بس المرة دي قلبه قفل منك ومش هيقدر يتقبل فكرة اعتذارك أو وجوده مرة ثانية في حياتك، الموضوع موضوع تراكمات، مش بيجي بين يوم وليلة، والإهمال أسرع طريق يوصلك لمرحلة إن قلبك يقفل من شخص..


From zero to 100

ودي نقطة التحول في حياة أي شخص بتكون في مرحلة الصفر مَّا تفقد حاجة مش متوقعها، لما يغيب عنك وعن حياتك حد عزيز وغالي عليك، مَّا تفشل في عمل أو مُهمة، لما تحس إنك طالع عليك إشاعات وبتتعارض دايمًا، لما تحس إن القدر بيرمي في طريقك ناس بتتمنى لك الأذى، مرحلة الصفر اللي بتستهلك فيها كل قواك وبتصبح كالطائر مكسور من أحد الجناحين لا هو قادر على إنه يحلّق في السماء ولا هو قادر إن يتعايش مع أهل الأرض بالبقاء فيها، مرحلة المنتصف المميت هي نفس مرحلة الصفر اللي روحك بتنهمك فيها، هو نفس الوقت اللي ضحيت فيه وضيعت من رصيد حياتك وعمرك مع ناس غلط، هو التوقيت اللي كان نَفْسك تفرح فيه وبكل أسف كان المشهد مغطيه الحزن والكآبة، وهو المكان اللي كان نَفْسك تكبره وتحقق حلمك فيه وفجأة اتهدم من أفكار البشر، هي العلاقة اللي كانت حياتك مترتبة عليها وفجأة خلصت من أتفه سبب، هي الناس اللي كدّبت نفسك وصدقتهم ووقت المحنة اتبخروا واختفوا، هو المريض اللي وقفت واتبرعت لهُ بدمك ولما خف، كان أول واحد بينهش في عرضك ويخوض في سُمعتك، هُمّا الناس اللي فضلت تواسيهم وتطبّطب

عليهم ووقت الفرح راحوا لغيرك ونسيوك، هُمَّا الناس اللي كانوا أول في أولويات أمورك وحياتك، وكان يومك بينقص في غيابهم، وإن غبت إنت للظروف ما حدش بيسأل فيك ولا يفتكر، هُمَّا الصحاب اللي طلعا زمايل مصلحة، هُمَّا الجيران اللي بيحضنوك حزن النفاق، وبيسألوا عشان التفاصيل مش للاطمئنان، هي دي مرحلة الصفر اللي روحك بتفقد فيها معنى الروح، هي دي نقطة التحول اللي هتوصلك لنقطة الـ 100 وتكسر بيها حاجز الصفر المتلازم والضعف المعروف عنك، ربنا خلاك تمر بكل دول، بمراحل وأوقات زمنية مختلفة، وهو يراقب صبرك وإيمانك، ما هُنتش ولا هتتهون على ربنا مهما حصل، ربنا كان بيدربك على فكرة التقبل، على فكرة التحمل، ربنا كان يبزرع جواك حبة الأمل والصبر، عشان تتعلم إن مهما حصل مش هيكون نهاية الكون ليك، مهما ساء الوضع مش هتعيش ولا هتتحس شعور البائس المحروم، عارف الفرق ما بين الوعد وما بين الوعيد، إهدا بس كده وخُد نَفْس عميق وهات فنجان قهوة وشوف النجوم بعينك، وخلي الهوا يملا قلبك واضحك بعيون المطمئن الواثق في قدر الله.

الوعد والوعيد دول من مخلوقات الله، عارف الوعد ده وعد ربنا، وربنا مُحال إنه يخلف وعده، مهما حصل مُحال وبعيد كل البعد تمامًا عن أمر صدر بأمر الله عز وجل ووعد بذاته وجلاله، أما الوعيد، فَدَه معنى إن ربنا بيتوعد لمن يخالفه أو مَنْ يدعو غيره، أو من يشرك به، أو من لا يؤمن به لكن شاهد الأمر متخيل إن ربنا جائز له أن تسبق رحمته ووعيده، فيعفو ويصفح ويمنح ويرفع ويبدل ويغير؛ فما بالك بحالك؟ الموضوع موضوع صبر وحبّة رضا بقضاء الله، وشوف نفسك وانت بتتفرج على أقدار ربنا اللي هيسخرها لك، تابع بنفسك وهو ربنا بينبت لك الخير ويمهد لك الطريق في كل مساعيك، إطمئن والله ما هتتهون عليه وبكرة تشوف الناس بتستعجب وتستغرب إنت

إزاي اتحملت كل ده، إنت إزاي لسه مكمل، الناس بتستغربك، هيجي
الوقت الي ناس تتمنى تكون زيك من جواك ومن قوتك الي بتمحي
بيها سُحْب الوجع والظروف الي بتطفي بيها براكين الغضب جواك..
إطمئن لأن ربنا اتولاك.



الويك إند

طبّعًا الإسم بيشرح قلبك أول ما تقرّب أيامه أو تقوله، إحساس بالراحة بيملك ويخليك تفكر هتقابل مين وفين وإمتى وإزاي وكيف، لكن مش ده المقصود من العنوان..

طب إيه!

حاضر هقولك يا عزيزي،

إنت وأنا، واللي بيقرأ دلوقت محتاجين الويك إيند في حياتنا طول الوقت.

بمعنى!!

- لما بتتعب من الشغل بتعمل إيه؟
- أكيد ببطّل شغل عشان أرتاح وأرجع أكمل.
- طيب لما بتكون مريض الطبيعى هيجصل إيه؟
- أكيد بكون مرهق وبحتاج لعلاج عشان أخفّ..
- أيوه هي الكلمة دي اللي أنا محتاج أسمعها منك.

- كلمة إيه أنا مش فاهم حاجة!!

- هفهمك، كلمة "تخف"

أنا عايزك تخف من كل حاجة شاغلة حياتك وهي مش أساسي
ليك

أنا عايزك تخف من إنك تكون كاتم الكلام والشعور جواك وخايف
تتكلم لا اللي معاك يزعل ويبعد، أنا عايزك تخف من إنك تيجي على
نفسك عشان غيرك، تحرم نفسك عشان غيرك، أنا مش عايز منك
حاجة غير إنك تكون بطييعتك.

- يعني إيه؟

- يعني لما تكون زعلان قول إنك زعلان وما تخافش من رد الفعل

لما تكون محتاج تبكي إبكٍ لوحدك وما تخافش من الضعف

لما تكون شاكك في حاجة صراح اللي معاك عشان الفجوة ما
تكبرش


لما تكون محتاج اسأل ربنا أول واحد ويَّاك من غير كسوف أو
خجل

لما تكون تعبان قول إنك تعبان عشان ما حدش يحملك فوق
طاقتك

لما تكون عايز حاجة ومش قادر تجيبها قول بكل وضوح إن
نفسك فيها

عدم كلامك هيخليك تعجز أووووي من جُوه وتبان الشيبة والعجز
على ملامحك

إوعى تسكت وقت ما يكون الكلام لازم، وإوعى تكمل وقت ما
يكون البعد راحة، وإوعى تضحك وقت ما يكون الزعل هيعملك
كرامة، عزز نفسك وغلّيا عليها عليك، عشان غيرك يحس بقيمتك، ويعمّلك
ألف حساب.



لا بُد من الحياة حياة

الحياة، هكلمك الأول عن النعمة دي جايز تكون الكلمة بتعدي عليك بكل بساطة، جايز تكون مفتقد حجمها أدّ إليه وبتمثل إليه في حياتك وحياة غيرك.

في يوم من الأيام كان فيه راجل طيب، ساكن في بيت بالإيجار، الراجل ده بدأت تتراكم عليه الديون الخاصة بالإيجار لدرجة إن صاحب البيت قرر إنه يطرده بَرّه البيت، فخرج الراجل من البيت وهو لا يملك أي شي، طبعًا خرج مكسور خاطر وحزين وحاسس إنه فقد الحياة، ومن هنا بقولك لا بُد من الحياة حياة، يعني إليه؟؟ هفهمك أنا أقصد إليه..

عايز أقولك إن الحاجة اللي خسرتها مش نهاية الكون، ولا هي آخر أسباب السعادة ليك..

عايز أقولك إن اللي اتصدمت فيه، مش آخر ولا أول واحد هيصدمك، ما تقرّبش أوي، وما تبعدش أوي، وما تعلقش نفسك بحد أوي؛ لأن مافيش حاجة باقية غير ربنا وبس..

وما ينفعش تتعلق بحد غيره، مش بقول اعتكف الناس، ولا بقول سُكِّ في كل الناس، بس خليك خفيف في علاقتك وكلامك وسؤالك وهزارك وزعلك، خليك حنين في نصيحتك، ولما تضيق ببيك إوعى تسأل بشر؛ لأن البشر ما فيش في أيدهم ولا بوسعهم يقدمولك شيء غير كلمة معلش أو ما تزعلش، لكن اسأل ربنا اللي بيدبر لك أمورك وحياتك ومقسم رزقك من كل حاجة قبل ما تعرف تقول يارب إنت اطمئن وشوف الراجل اللي خرج من البيت مالهوش أي حد ولا معاه أي سُبل تدل على إن حياته هتتصلح والدينا معاه هتروق وتبقى حلوة، كل الحاكية إنه لما سأل سأل ربنا، ولما بكى بكى لربنا، ولما فضفض فضفض على سجادة الصلاة، الراجل بعد ما خرج من البيت بيقول لنفسه من جواه هعمل إيه؟ أروح لمين؟ ربنا ألهمه إنه يروح سوق المدينة اللي كان ساكن فيها. وهو في طريقة الراجل البائس ده لقي عُقد من الذهب، تخيل فرج ربنا في التوقيت ده يا ضعيف النفس يا اللي الشيطان كان هيسوِّلك إن اللي لقيته ملكك وربنا كان بيفرجها عليك في الحقيقة هو فرج ربنا أه لكن لو استعجلت هتخسر كل حاجة، الراجل مسك العُقد وفضل يتأمل تفاصيله وفجأة بيقول، سمعت صوت المنشد ينشد ويصف العُقد كأنه بين يديه ما أخطأ في وصفه قَط، يعني بيقول سمعت راجل بينادي في السوق على إنه ضايح منه عُقد، الراجل بيقول لقيت نفسي لوحدي بدون تفكير ماشي تجاه الصوت، لحد ما وصلت للراجل اللي بينادي على العُقد وقربت منه أوي وبصوت عادي بقول: هو ده العُقد اللي ضايح منك؟ الراجل بلهفة تَبَّت في العُقد وقاله هو ده العُقد، وبسرعة البرق الراجل مشي، المسكين اللي لاقى العُقد في التوقيت ده صعبت عليه نفسه أوي لأن حتى الراجل ما قالش كلمة شكرًا؛ فالراجل حس إن الدنيا بتضيق أكثر من الأول والرحمة بدأت تختفي من حياته، الراجل بيقول كان

نفسى أبكى بصوت عالي أوي، لكن وجود الناس وحيائي منعني من البُكا، بيقول خرجت من سوق المدينة وأنا مش عارف أنا رايح فين وهعمل إيه، فضلت ماشي لحد ما وصلت لبحر على حدود المدينة، بيقول لقيت مركب قديم أوي يعني غير صالح للعمل من أساسه بيقول قُلت هقعد في المركب ويشاء العزيز أن يأمر الرياح أن تتلاعب ميينًا ويسارًا وإذ بالمركب في وسط البحر ويستقر ومع شدة الأمواج يبدأ المركب في التفكك وواحدة واحدة تبقى مش باقي من المركب غير لوح خشب واحد بس الراجل تبّت فيه أوي ونسي إنه مش عنده بيت ومطرود، ونسي إنه فقير وهيموت من الجوع، ونسي إنه مالهوش أهل ولا صحاب، ونسي إنه وحيد وبقي مش فاكر أي حاجة ولا حاجة شاغلة تفكيره غير إن ربنا ينجيه من الشدة دي عشان يعيش ويعرف إن ربنا مديله نعمة كبيرة أوي اسمها نعمة الحياة، وفعلاً ربنا نجّاه وأول ما لوح الخشب الأمواج حدفته على الشط، بيقول ببص بعيني لقيت مسجد وناس بتصلي رُحت جري على المسجد أصلي وأشكر ربنا، بيقول بعد الصلاة رُحت في آخر ركن في المسجد وجلست، وبدأت أجمع ورق المصحف المقطع وأرتبه وأقرأ بعض الآيات فسمعني راجل من أهل المدينة ودنا مني وقال: أنت تقرأ القرآن؟

فقال له: نعم.

فقال له: أتعلّم أولادنا ولك الأجر بالمال؟

ففرح من داخله وقال: أعلمهم.

ثم خطّ خطأ بيده، أي كتب كلمة.

فجاء آخر وقال له: أنت تكتب الخط؟

فقال له: نعم، أكتبه.

فقال: أتعلّم أولادنا ولك الأجر بالمال؟

فقال: أعلمهم.

وازداد فرحًا..

ثم جاء ثالث، وقال له: كان بيننا راجل صالح وتقي ولكنه قد مات وترك له بنتًا وبيتًا، أتزوجها ولك الأجر والثواب؟

فقال: نعم، أتزوجها.

فكتب الكتاب وأخذوا إلى البيت وإذ به يرى فتاة ترتدي نفس العقد اللي هو في يوم من الأيام لاقاه، سال الدمع من عنيه على عظمة الله ورحمته فقال لها: أستحلفك بالله، أن تقصّي عليّ قصة العقد. فقصدت وقالت في نهاية المطاف أن والدي كان حينها لا يملك المال ليكافئك به وذهب مسرعًا حياء منك، ولكن من حينها وهو يدعو الله في صلاته أن يكرمني ويرزقني بزواج بنفس قدر إيمان وأمانة ذلك الذي وجدّ العقد في سوق المدينة. فابتسم وقال لها: أنا الذي وجدت العقد يومًا في المدينة.

عايز أقولكوا إطمّنوا، لأن ربنا مش بينسى حد، إطمّنوا لأن ما فيش حد هيكون رؤوف ورحيم عليكم وبيكم أكثر منه، سيب أمورك لله وخليه يرتبك ويدبرلك لأننا كبشر لا نُحسن التدبير.

كُنَّا

الكلمة دي دايماً نقولها، وبعدها كلمة يا خسارة أو للأسف، أو كانت أيام، وفي الغالب لما بنقولها قُدَّام حد من صُحابنا ما بيكونش عندهم رد غير "معلش".

عمومًا خدها قاعدة: بلاش تفكر في إمبراح عشان النهارده ودلوقت وبكرة ما يضيعوش منك، في خانة التفكير قول لنفسك آسف على كل لحظة كنت مخليّ فيه شخص محور حياتك واهتمامك قبل ما تتأكد إنه يستحق ده منك، قول لنفسك آسف على كل لحظة أهملت فيها في حلمك ومع أول عائق قُلْت ده صعب إني أكمل واستسلمت بحِجّة الظروف وإن الدنيا مش مساعداك، "أما كُنَّا" قولها لشريك حياتك وهو بيشاركك التفاصيل، قولها وقت المسؤولية لما تتحملوها إنتوا مع بعض بدل ما الجمل يكون ثقيل على واحد ويميل منه لحد ما يتكسر ويبان ضعفه، قولها لما تيجي تاخذ قرار وتفتكر إن فيه شخص حياته مرتبطة بكل قراراتك سواء صح أو غلط، قولها لما تيجي تعمل مشروع، قول "كُنَّا" وانت بتشعر بالفخر إنك بتشارك وتدخل شريك حياتك في كل أمورك، خليّ عظمة النفس عندك مرتبطة بوجود الشخص الي معاك، خلي عزتك وفخرك يخليك تتكلم عن شريكك وتنسب له

قبلك كل حاجة صح وكل عمل ناجح إنت وصلت وأنجزت فيه قبل نفسك.. لما تيجي تتكلم مع أهلِكَ قول "كُنَّا"، عشان يقدرُوا شريك حياتك ويعرفوا إنه سبب رئيسي وأساسي في لحظة إبداع إنت وصلت ليها، كلمة كُنَّا لما تتقال بصفاء نية حتمًا إنها تمحي من حياتك شعور الأنايية، وفكرة إنك تنسب الحلو ليك والسيء تخليه عبء على شريك حياتك.

كلمة "كُنَّا" حلوة، حلوة أوي جدًا لما نكون مؤمنين ببعض كبشر وحابين نجاح غيرنا.

أرقّ من الخيط

طبّعاً هيقولوا عليك تِنك ومغرورا!

مُتَكَبِّر ومش عاجبك حد!!

دائماً شايف نفسه أحسن من غيره!!

ما تزعلش..

اضحك كده وخذ نَفَس كبير.. آه آه، افتح شَبَّك بلكونتك..

واطمئن إنك شخص سَوِي من جواك.

طب إزاي؟ وكلام الناس؟

أنا عارف إنك زعلان وأي حاجة بتوجعك، وأقل كلمة بتغيّر مُودك

وتقفل يومك..

أنا عارف إنك بتعاني من عدم فهم الناس لشعورك وعدم تقديرك،

بس ولا يهتمك، عايز أقولك حاجة مهمة قبل ما تزعل من نظرة

الناس ليك.

فيه فرق كبير أوي ما بين إنك تقلل من نفسك، وما بين إنك

تعزها..

فيه فرق كبير أوي جدًّا ما بين إنك تزعل لما حد يهينك ولو على شكل هزار، وما بين إنك تعدي الكلام عادي فيتعودوا إن الكلام ده بالنسبة لك طبيعي.

فيه فرق بين إنك تختار البُعد وتبعد وقت ما تحس إن وجودك مش بينقص حاجة ولا يبزودها، وما بين إنك تكون موجود بدون ما يكون معمول حسابك في حاجة.

فيه فرق إنك تتكلم وتعترض لما الأمر يستحق ده، وما بين إنك مش بتبدي برأيك فيتحسب سكوتك رضا ما بين عزة النفس والكرامة شعرة طفيفة أوي جايز تكون أرق من خيط أبيض سهل يتقطع وصعب يتشاف في عز النهار.

إنت مش كل الحاجات الوحشة اللي اتوصفت بيها من وجهة نظر الناس دي.

إنت مش مكتئب ولا كئيب ولا إسمك مش مُدرج ضمن خفاف الظل، إنت شخص عادي أوي جدًّا، كُل الحكاية إن كرامتك غالية عليك فتبتعد في الوقت الصح، وده ما يزعلش غير إنسان مش بيحس بقيمة الكرامة وعزة النفس، إنت صح وفي يوم من الأيام هيحاولوا يعملوا زيك، فيه منهم اللي هيفشل وفيه اللي هينجح لكن في النهاية إنت كنت فكرة وطموح ناس تانية.. إطمئن لأنك صح.

المصلحة

أصحاب المصلحة ودول أسوأ فئة في المجتمع ممكن تعرفها أو تتعامل معها..

طيب دول نعرفهم إزاي؟

هل بيان عليهم؟

هل ممكن نقدر نعرفهم قبل ما نتورط معهم؟

طب الناس دي كتير في دايرة معارفنا؟

طب إيه الحل بس؟

الحقيقة المُرّة إننا فعلاً مش هنقدر نكتشفهم كامل الاكتشاف قبل ما نتورط معهم في علاقتنا ومعاملاتنا وحياتنا بشكل عام، الحقيقة المؤلمة إنهم بارعين في التمثيل واحنا بنكون ضحايا كُل المشاهد، مافيش حد بيتعلم ببلاش بس فيه ناس بتدفع التمن فلوس، وناس بتدفع التمن من روحها ومشاعرها وده أصعب مليون مرة من وجع الفلوس، أصحاب المصلحة هتلاقيهم جنبك وقت الفرحة في كُل مكان، ووقت الشدة هيتبخروا وهيختفوا وهيجهزوا لعتابك ألف ألف مُبرر ووجّة، الحقيقة الصعبة إنهم بالفعل كتير أوي جنبك وفي حياتك، وعشان

تتلاشى وجودهم لازم تتعلم إنك تتعود على نفسك تأمن لنفسك، تبسط نفسك بنفسك، لازم تؤمن إن كل البشر معرّضين لفكرة الزوال، وإنهم غير صالحين للبقاء مدى الحياة، عود روحك وقت وجعك قبل ما تشكي أو تبكي أو تنهار أو ترمي اللوم على غيرك، إنك تحاسب روحك وتختار قرار فاصل بعيد كل البعد عن فكرة المنتصف المميت اللي هو لا قادر تمشي ولا قادر تفضل حرام عليك تموت الحلو اللي جواك، وتخلي قلبك وروحك من جوه يوشوا، حرام عليك وعلى مشاعرك فكرة إهانتها عشان غيرك، وفكرة إنك تيجي على نفسك عشان غيرك، أبسط حقوق نفسك عليك إنك تبسطها، تظمنها، ما ترهقهاش أبدًا، إنت ليه مستكتر على نفسك تكون مبسوط وحاشر ناس في حياتك وجودهم عبء عليك، ليه رابط مودك بغيرك، ليه مرتب حياتك على ناس تانية، أصحاب المصلحة هيجبوك وقت ما تكون قوي وبس، أول ما تنجح أو تلاقى نفسك بقيت منتصر على نقطة ضعفك، أول ما تحس إنك مبسوط ووشك منور وباين عليك الرضا، أو ما تحس إنك مهتم بنفسك أوي وبقيت إنسان مهندم، وبدأت تظهر في حياتك ناس ركز أوي في تفاصيلهم لأن في الغالب همّ دول أصحاب المصلحة، همّ شافوك وقت ما المجتمع آمن بيك وإنك خلاص نسيت الماضي بكل ما فيه، همّ شافوك وقربوا منك لما التمسوا فيك إيمانك بنفسك وحلمك وشغلك وحياتك، أصحاب المصلحة دول أقرب ناس ممكن تلح عليك في إنهم يعرفوا كل تفاصيل حياتك وهيمثلوا عليك إنهم بيجبوك بس الحقيقة همّ بيلحوا في التفاصيل علشان يعرفوا نقطة ضعفك، عشان يعرفوا إيه بيزعلك أو يغيّر مودك، ومن هنا بيكون شغلهم على حياتك، يا صديقي، يا عزيزتي، فيه فرق شاسع جدًّا ما بين الزمايل والصحاب، الفرق ده اللي بيقرره هو المصلحة.

عشان نحب

محتاجين نتطمئن

نتطمئن إن اللي داخل حياتنا داخل عشان يرضينا ويبقى نقطة القوة اللي فينا، عشان نحب محتاجين نتطمئن إننا عمرنا ما هنتساب ولا نتهان ولا نتجرح، ولا إنكم هتتغيروا في عيننا وتفضلوا زي أول مرة عرفانكم، عايزين نتطمئن على نفسنا واحنا معاكم ونحس إنكم محاطين علينا برموش عنيكم، عشان نحب لازم نحس وياكم إننا أطفال بنتصرف بمنتهى البراءة بدون خوف لو غلطنا، محتاجين وقت نتسمع فيه ونتناقش قبل القرارات، محتاجين نتصالح كل يوم قبل النوم مهما كانت المشكلة، عشان نحب عايزين شخص مختلف عن تقاليد الناس في هزازه وزعله، مختلف في طريقة عتابه قبل حُبه، يقدر يعني إيه لحظة سُكات، محتاجين شخص يبعد عن عُقدة الخواجة اللي رابط فيها كل لحظة حلوة بالفلوس، اتمسكوا بينا وقت زعلنا وما تخبّوش ظننا فيكم.

اعرفوا كويس أوي جدًّا إننا لما بنقول عايزين نمشي بنبقى محتاجين إنكم تتبّتوا أوي فينا، بنكون محتاجين نسمع منكم إن حياتكم هتقف ويومكم هيكون ناقص من غيرنا، بنكون محتاجين نشوف تعبيرات

وَشُكُّم وإشاراتكم الي بتقول لأ مش هينفع إنكم تسيبونا وتمشوا
مهما حصل، عشان نحب محتاجين يكون بينا احترام متبادل، احترام في
الغياب قبل الحضور وده الواجب والأهم، محتاجين إننا ما نقللش من
بعض قُدام الناس ولو بهزار، محتاجين نحس إننا بنحتمي في وجودكم
وإنكم البيت الي بنتداري فيه وقت القلق والخوف، حسسونا بالأمان
معاكم، هتلاقونا بيوت طارحة من الحنان جناحات، وعيون بتراقب
بخوف يشبه خوف الأمهات، وسعة صدر لكل الكلام في آخر وقت
النوم، محتاجين إننا نكون إحنا مش أنا وانتِ وهُمًا.

الصبر

أنا عارف إنك حاسس إن كُـل دعاك مش مستجاب، أنا عارف إنك حاسس إن صلاتك مَّا بتصلي بتحس إنها مش مقبولة، عارف إنك مستكتر ذنوبك إنها تتغفر، شايفك مش عارف تكون مبسوط ولا متظمن، دخلت علاقات كتير وفشلت، دايماً حاسس إنك مظلوم، دايماً بتتخدع في معظم الناس لو ما كانش كلهم، في الغالب بيخبيوا ظنك ويشمُّتوا الناس فيك، وفي الآخر بتدخل دايرة الوجد والاكئاب، والسهر بالليل ونوم النهار، بتوصل لمرحلة الهروب من الناس بالنوم، ومرحلة إنك مش عايز حد يشوفك أو يكلمك أو يسألك بظلمة الأوضة، والركن المهمل فيه، بتوصل لمود إنك بتغير جو في البلكونة، وبتعيش قصة حب إنت فشلت تعيشها سواء بسببك أو بسببهم في مشاهدة فيلم متعاد 100 مرة.

اصبر.. اصبر..

وراجع نفسك، مش جايز الناس دي بانتي على حقيقتها قبل ما تدبس إنت فيها؟

مش جايز إنت اتخدعت بدري بدري قبل ما كنت تتورط في
علاقة ما ينفعش فيها الأسف؟

مش جايز كل اللي زعلت عليه لو كان استمر في حياتك كان دمرك
وحطمك؟


إنت ليه دايماً شايف الكون كله جاي عليك، ليه فاكر إن كل
حاجة بيكون نفسك فيها وما تعرفش توصلها إنك بتتعاقب بالحرمان؟
ليه بتحس إحساس اليأس كتير؟

اصبر والله في لحظة هتعرف إن كل حاجة حصلت كان مترتب لها
من ربنا، وكان معمول حسابك من رصيد الصبر والتحمل اللي يخليك
تمر وتعددي المرحلة، اصبر والله في يوم لتشكر ربنا وتبكي من الفرح
إنك خسرت الحاجات اللي كنت هتموت وتكسبها، هتبكي من الفرح
إن الأقدار بَعَدت عنك ناس كان كل حلمك ومُنَاك إنك تفضل ويَاهم،
الحقيقة بكرة تبان، إمتى وكيف وإزاي، دي محتاجة حبة صبر.

إوعى تفتكر إنك هتعيش بوجعك طول العمر، والله في لحظة
لتلاقي قلبك فاق، وشعورك اتبدل، ووقتها هتضحك على نفسك إنت
إزاي كنت عامل قيمة لحاجات مالهاش لازمة أوي كده..

سيّدنا يعقوب لما ابنه سيّدنا يوسف غاب وأولاده قالوا له أكله
الذئب، من كتر البُكا أصبح كيف، المهم ماكانش يبطل دعاء خالص
لدرجة إن الناس بدأت تستهزأ بسيّدنا يعقوب ويقولوا أمجنون أنت
أم تدّعي الجنون؟ بقى لك زمن بتدعي ومفيش أي حاجة حصلت!
سيّدنا يعقوب صعبت عليه نفسه وبدأ يلح على ربنا في الدعاء أوي،
واشتكى لربنا من الناس وقال: "يارب ألا ترحم ضعفي وسني وعجزني،
ألا ترد لي ولدي، ألا ترحمني من شماتة الناس"، سيّدنا يعقوب لما نام
في نفس الليله جاله منادي من قبَل الله، بإن ربنا بيكلمه في الحلم

وبيقول له: "يا يعقوب وعزتي وجلالي وارتفاعي على خلقي لو كان
يوسف ميت لأحييته لدعائك".. في اليوم الثاني جاءته البُشرة بعودة
سيدنا يوسف. إوعى تبطل تدعي لأن إلحاحك على ربنا مالهوش رد
غير "فاستجبنا له".



بخاف

إنت لازم تفهم ده عشان تظمن

إوعى تكون متخيل بعد وصولك لقلب البنت إن إنت كده أنجزت المهمة، في الحقيقة هو يادوب بتبتي المهمة، بتبتي تشوف الكلام الحلو اللي كان بيتقال هيكون أفعال ولا لأ، عايزة تشوف الحياة في قُربك هتكون أمان زي ما رسمتها وفهمتها ولأ لأ، هي صحيح آه حَبَّتْكَ، بس دي مش نهاية حياتها لكن في مقابل استمرار حبها ده، محتاجة تلاحظ وجودك واهتمامك وأفعالك وكلامك، محتاجة تحس بالأمان، هتعتدي مرة واتنين وألف لو أهَمَلْت أو زَعَلْتها، هتيجي على نفسها من غير ما تحس وهتقول معلش يمكن يتغير والمركب تمشي، بس مع كل مرة بتعتدي فيها جزء من الحلو اللي جواها ليك بيقل، إنت هتفضل تهمل وتهتكون فاكر إنها خلاص حَبَّتْكَ مهما عملت مش هتمشي أو هتزعل وإن الحياة عادي، وهي الحلو اللي جواها هيفضل يموت واحدة واحدة لحد ما قلبها يقفل منك فجأة، عارف الضعف اللي إحنا كرجالة دايماً نشوف إن البنت أو الست عموماً ضعيفة أهو بقدرة قادر الضعف ده بيتحول لجبروت وقوة في منتهى الصلابة لما يفيض بيها وتقرر قرار "اللا عودة"، وإنها تدوس على أي حاجة ممكن

تموتها أو تكسرهما من جُوه، صحيح هي هتصبر ومش سهل تسبب
أو تبس وقت ما يفيض بيها هتبقى انتهيت من حياتها كإنسان
عمومًا.

شوف عشان إحساس الخوف يروح، لازم تكون متأكد إن اللي
جواك حُب مش تعود، لازم تكون عازم على إنك تفضل مش تمشي.
لو حبيت بجد هتبطل خوف، ولو عايز حبك يكمل، المفروض إنك
تفضل من غير ما حد يقولك خليك، تفهمها من غير مجهود حتى لو
غلطت هي محتاجة إنها تشوف نفسها مقبولة رغم غلطها، محتاجة
لو في حياتك حواجز، الحواجز دي بينكم تنكسر وتبقى بطبيعتك،
محتاجة تشوف وتعرف إن مفيش حاجة ممكن تخليك تبعد، نفسها
في أمان مفتقدها كونها بنت وبس، خايفة لمجرد الغلط إنك تبعد..
يبقى فين العلاقة اللي بينكم، لو كل حاجة سهلة كده يبقى فين المميز
الي اختارتك عشانه، لو مش ماسك فيها يبقى إزاي كان فيه حب،
هي بتضعف و بتغلط بتغلط لأنها بشر، لأن دي طبيعتنا البشرية إننا
نغلط بس لما تضعف المفروض إنت أول واحد تاخذ قوتها منه، و
لما تغلط وتشوف نفسها وحشة المفروض إنت اللي تقولها إنك مش
كده، الحب مش دُل ولا طاقة هنخلصها عشان نحاول نقتع بعض
نكون سوا، البنت مش عايزة شخص يحاربها دي عايزاك تكون جيشها
وتحارب معاها وتبقى راجلها، اسندوا بعض وما تبعدوش، ساعات
كثير أوي بتتجنبوا بعض والواحد وقتها يبقى محتاج يتطمئن في عز
تعبه وضعفه ووحدته مش يتساب ويتقاله كلمتين من باب الواجب
والسلام.

القهوة

القهوة مافيهاش شيء سحري يهرب من الأحزان والأوجاع

مافيهاش شيء مبدع غير الكافين الي بيخمد أعصابنا لدرجة الخمول فنفتكر إنها قادرة تحميننا من الوجع، فنجان القهوة هو الطريقة الوحيدة الي بتعبر عن بقايا الناس بلونها وفاقدة جوهرها، حيننا القهوة عشان أسباب بعيدة كل البعد عن إنها مشروب، القهوة هي الشيء الوحيد الي قدير يجسد شكل الناس وسواد قلوبهم وكلامهم الحلو الي كله مُر وسوموم، حيننا مش من فراغ ما فيهوش حُكم مسبق على حد، من كتر التجارب والعلاقات ظهرت النفوس بأسوأ ما فيها، ليه الوشوش بتتبدل ليه الوعود بتتبخر، ليه الكلام بيتنسي، ليه الحنان ييقلب قسوة، ليه الشغف ييقابله الإهمال، ليه الطيبة بتتسمى عبط، ليه المسامح بيتشاف ضعيف، ليه ما بتكونوش زي القهوة بوش ولون واحد مهما حصل!!

شوفوا مين الفئة المقبلة على فنجان القهوة، هتلاقوهم نفس الناس الي بتسهر وحدها، نفس الناس الي تحت عينها اسودّ من الزعل أكثر من الإرهاق، نفس الناس الي آمنت فاتخانت ومسكت فاتسابت، وأخلصت فاتهاننت، نفس الناس الي مافيش مكان بييساعها أوسع من

أوض نومهم، نفس الناس اللي بتنفصل عن العالم المؤذي بهاند فري ومزيكا جايز تكون مجهولة الهوية.. نفس الناس اللي فضّلت السكوت وظهرت للناس هادية ومن جواهم دوشة وضجيج ومن جواهم كلام كثير وصراخ نفسهم بعلو صوتهم يقولوا اللي جواهم، الناس اللي كانت سبب في أذية ناس تانية نفسياً، بفكركم إنكم حولتوا روح من مبسوة لكثيبة لما ربنا يسألكم عنها هتقولوا إيه وقتها!

أما كل المجروحين والمتأسبين والمفرومين جُوّه دواير الوجع، والاكتئاب سلام الله عليكم وعلى روحكم المتماسكة رغم الظروف، سلام الله عليكم لأنكم ناس صلبة رافضة فكرة الانحناء مهما كان الضغط، ربنا هيعوضكم عن كل حاجة وعن كل سحابة وجع مرت جواكم وكان هواها إنها تكسرکم، ربنا بيكرم، وكرم ربنا لما يجي هينسي أي وجع كان موجود في حياتكم في يوم من الأيام، إطمّنوا والله هانت.

انفصلنا

الانفصال أهون بكثير من إنك تستمر أو تستمر في علاقة مرهقة، أفضل بكثير من إنك تركبي قطر نهايته دمار لحياتك وأحلامك، أفضل بكثير أوي من حياة مافيهاش حياة، الانفصال أرحم من الإهانة، أرحم من السب والقذف، انفصالك عن اللي يؤذيك ده فخر وانتصار على عادات وتقاليد مميتة لو استمرتوا فيها.. الانفصال عن الحياة المكركبة والشعور المجروح دائماً، والقلب اللي بينزف باستمرار، أرحم وأفضل بكثير أوي من إنك تدمر نفسك وتقول هتتعدل، إنت من حقك تعدي مرة واتنين وعشرة وعشرين وتستحمل كمان سنين، بس لازم تكون فيه مؤثرات بتقول إنه بيحصل تغيير، لازم يكون فيه مواقف بتتبدل وكلام بيتغير وسلوك بيتعدل، مش لازم تغيير جزري بس أي إشارة تدل على إن الشخص فعلياً بدأ يتغير وخايف ليخسر اللي معاه، أنا عارف إن لمجرد حدوث فكرة الانفصال وخصوصاً ع البنت، بتنهال الإشاعات والترويح ليها تحسها كإعلان ممل على مواقع السوشيال بينتشر انتشار رهيب، بس ولا يهمك لأن كده كده ما حدش بيشتيل وجد وما حدش حس بيك وانت أو وانت في أزمته، وما حدش اتحمل إهانتك وتجريحك وشعورك اللي كان بيتهان ألف

مرة بدون أسباب تستاهل، اللي أعرفه إن مهما حصل ما ينفعش
أبدًا يكون العتاب إهانة، ما ينفعش يكون النصح قاسي، رفقا بناس
كدبت كل البشر وصدقت شخص واحد بس، رفقا بناس راهنت على
إن الشخص اللي في حياتها أفضل وغير كل الناس اللي بتشوفها، ما
تخيوش ظن ناس لجأت لك، تحت اسم الدين والشرع والإنساية
بالفطرة، ما تكسروش بخاطر حد عشان ربنا ما يكسرش خاطرکم،
خليکم رحماء باللي معاكم وباللي اتوليتم أمرهم عشان ربنا يرحمکم
برحمته وتنالوا رضاه وحبه.

الخيانة

هل كل الناس بتخون؟

هل خطيبي أو زوجي أو، أو، ممكن يكون بيخوني؟

طب أعرف إزاي إنه بيخوني؟


خلينا متفقين من أول حاجة إن مفيش قاعدة في الكون كله بتسري
على الجميع

يعني مفيش حاجة الناس اتفقت عليها بالعموم والشمول المطلق
إنه كلها صح..

إدّا هتلاقي ناس بتخون وناس نضيفة أوي، هتلاقي ناس بتكذب
وناس لو غلطت تيجي تعترف بنفسها على نفسها، هتلاقي ناس بتنقض
الوعد والعهد وناس ممكن تبيع نفسها عشان توفى بعهده أو وعد كان
خارج منهم وهُمًّا في كامل الرضا.

هتعرفي إنه بيخونك في أول لحظة يشك فيها فيك ولكن بدون
أسباب معلنة

يصاب بالشك كل خائن فيعاقبه الله بفقد نعمة الأمان والحب



الأمل

إوعى تخلي اليأس يعرف طريق قلبك، وحلمك وباب روحك..

إوعى تستسلم للظروف وتوصل لمرحلة القنوط من رحمة ربنا، إوعى تكون ضحية لأغراض ناس تانية بشعة مش فارق معاهم غير نفسهم، خلِّي الأمل يملا روحك واليقين وصدق نفسك وحلمك، وقاوم مهما قابلت من حواجز تقيهم البشر لصدك عن الحياة، إبعد عن أي حاجة ممكن تشدك في طريقها لليأس، خليك قوي من جواك، خليك صلب وإوعى تنكسر قاوم وفي النهاية والله ما هتهون على ربنا أبدًا، قاوم وربنا هيمدك بعين الأمل والقدر اللي هيطبطب عليك بس إنت إجمد وكمل، شوف الأمل ممكن يعمل إيه ويخرج من إيه ما بين الحياة والموت لحظة أمل، والجدع اللي يتدبرها ويفكر فيها ويعيشها. يحكى أن ملكًا من الملوك في قديم الزمان حكمَ ظلمًا على شخصين بالإعدام.

كان الرجل الأول يائسًا مستسلمًا، فجلس في ركن السجن يبكي وهو يندب حظه، أما الثاني فكان ذكيًا مثابرًا لا يفقد الأمل، وجلس يفكر في طريقة للخلاص من هذا المأزق.

تذكّر الرجل الذي أنّ لهذا الملك حصانًا جميلًا يحبّه كثيرًا، وبدأت فكرة تدور في رأسه، فطلب لقاء الملك من أجل أمرٍ خطيرٍ، وعندما أصبح أمام الملك قال له: هل تعلم أنني أستطيع جعل حصانك الجميل يطير في خلال سنة؟

لم يصدق الملك هذا القول في بداية الأمر، ولكنه رأى أنه لن يخسر شيئًا إذا قام بإعدام هذا السجين بعد سنة، فوافق على هذا الأمر.

عاد السجين إلى سجنه وقصّ ما حدث مع الملك للسجين الآخر، فتعجب السجين اليأس جدًّا وقال: إن هذا مستحيل!! أنت تعلم أن الحصان لا يستطيع الطيران!

فقال السجين الذي:

- نعم أعلم ذلك، ولقد أجّلت وقت إعدامي لعام كامل، ولقد اعتمدت على بعض الاحتمالات ربما تحدث في خلال هذه السنة، وهي إما إن أموت أنا معزّرًا مكرّمًا دون إعدام.

أو

يموت الملك و أنجو من حُكم الإعدام.

أو

يموت الحصان..

حقًّا إن الأمل سر الحياة.

تعالوا نشوف مع بعض ونتأمل تفاصيل الأمل هنا، تعالوا نمسك في أي حبل من تجاه ربنا جايب لنا نور في دنيا الوجدع والجشع، تعالوا نسند بعض ونساعد من باب الإنسائية ليس أقل ولا أكثر من ذلك، نقرأ القصة دي ونتأملها صح؛ فهي مقتبسة بكامل ما فيها.

قد تتعجبون عند قراءة تكلم قصتي وقد تقولون بأنها ضرب من الخيال، ولكن لتعلموا أن كل حرف فيها ينبض بالصدق والحقيقة؛ فقد نسجتها لكم من معاناتي لتعرفوا فقط أنني ما عانقت اليأس فيها يوماً لأنني توكلت على ربي سبحانه وفوضت أمري إليه؛ فمنحني قوة الإيمان والأمل اللذين جددت بهما حتى رسوت في النهاية على ميناء السعادة والحقيقة، فاقرواها لتزرعوا الأمل فيما بعد في جنبات حياتكم، ولتطردوا منها كل طائر يأس قد يعشش فيها.

عشت طفولة بائسة أقل ما يقال عنها بأنها كئيبة مظلمة وسط أسرة فقيرة لا تكاد تجد ما تسد به رمقها من الجوع، لم أعرف طعم الحلوى والساكر كباقي الأطفال في طفولتي البائسة تلك وما زلت أذكر كيف أننا كنا ننتظر الأعياد ومناسبات الأفراح لجيراننا وأهل الحارة بفارغ الصبر والترقب لأننا نتذوق من خلالها اللحوم والفواكه التي تُحرم منها طوال العام، كانت أسرتي أسرة مفككة لا يكاد أي فرد فيها يشعر بالآخر فلعل منا عالمه الخاص المغلق عليه هو فقط ولا يستطيع أيًا كان أن يدخل إليه لا لأن أبوابه موصدة بقوة، بل لأن أيًا منا لم يكن ليهتم بدخول عالم الآخر؛ فكل فرد من أسرتي للأسف كان لديه ما يشغله من أعمال وخصوصيات يخجل قلبي من ذكرها!!

كان أبي يعمل (مستخدماً) في أحد المعارض، وراتبه البسيط لا يصل بالأسرة الكبيرة إلى نهاية الشهر بأمانٍ بل كثيراً ما تتوقف بنا سفينة الحياة في منتصف الشهر هذا على الرغم من بؤس عيشنا وشظف حياتنا!!

كان والدي إنساناً سلبياً قانعاً من الحياة بعشرة أطفال مشردين في الشوارع أحياناً لا يعلم عنهم شيئاً وربما كان لاستخدامه المخدرات في بداية حياته وكثرة دخوله وخروجه من السجن آثار سلبية جعلته لا

مبالي بكل ما حوله كنت أشفق عليه أحياناً وأنا أرى نبتة الأمل تخبو في نفسه يوماً بعد الآخر كان كثير الصمت والشرد لا يحرك ساكناً ولو انهارت الدنيا من حوله أو كأنها هو أحسن بأن خيوط حياته قد أفلتت من بين يديه فآثر ألا يركض وراءها فأذعن لها بكل انهزامية واستسلام.

أما والدي واعذروني إن تحدثت عنها بهذه الطريقة المؤلمة فالحقيقة أشد إيلاًماً، فقد كانت تتسكع بين بيوت الحارة طوال يومها وكأنها لم تستوعب يوماً أنها زوجة وأمٌ عليها واجبات تجاه زوجها وأبنائها، وكانت دائماً تنظر إلى ما في أيدي الآخرين وتحسدهم على ما أنعم الله به عليهم وتستجديهم وتريق ماء وجهها ليجودوا عليها ببعض الفتات، فكان أُمي وأبي قد اعتبرا أن هذه الأسرة مصيبة حلت عليهما فهما يخشيان مواجهتها أو حتى التعايش معها!!

أما إخوتي فحدّث ولا حرج فهم يعيشون بين جنبات الشوارع بلا هدف ولا معنى وغالبيتهم انحرفوا عن جادة الصواب والطريق القويم دون أدنى مساءلة من أبي وأُمي حتى أخواتي البنات لم يقمن وزناً للأخلاق ولا للشرف ولا حتى لنظرة المجتمع من حولهن!! والكارثة العظمى أن إخوتي بمجرد وصولهم إلى الصف الرابع الابتدائي فإنهم يتسربون من مدارسهم بلا سبب سوى ضرهم وعدم قدرتهم على النهوض صباحاً فيقررون هكذا الانقطاع عن المدرسة دون حسيب أو رقيب والاكتفاء بالتقلب داخل رحم التخلف والانحراف والتشرد في ظل شرد أبي وتسكع أُمي بين شوارع الحارة. عشت هذه الطفولة الكئيبة وأنا كارهة لوضعي، ناقمة على أُمي وأبي اللذين تجردا من أشرف وأسمى لقب في الوجود، متشبثة بدراستي بقوة سمكة صغيرة مرتجفة تسبح ضد التيار الذي لا يرحم، وقد كنت من المتفوقات على الرغم من قسوة الظروف من حولي وتفكك أسرتي وانحراف أفرادها بلا

استثناء وسأحدثكم الآن عن اليوم الذي غير مسار حياتي للأبد وفيه بدأت مأساتي الحقيقية والتي لولا إيماني بالله ورحمته بي لما تجاوزتها. فحين حصلت على شهادة الصف الثالث متوسط وأنا الوحيدة من أسرتي التي وصلت إلى هذا المستوى تقدّم رجلٌ لخطبتي من أبي، وكنت حينها في الخامسة عشر من عمري أما هو كان في الستين من عمره، مصابًا بالضغط المرتفع والسكري، ومدمنًا للخمر، وتاجرًا للمخدرات مما يدرّ عليه دخلًا مرتفعًا وهذا هو السبب الوحيد الذي جعل لعاب أمي وأبي يسيل ولا يكادان يقاومان الإغراء المادي الذي يترافق أمامهما بكل بريقٍ ولمعانٍ، ومن دون تردد وافقا ودون حتى أن يأخذا موافقتي، صرخت في وجهيهما: لا، أريده أريد أن أكمل دراستي، زوجوه أختي الكبرى. ولكن للأسف كان صوتي مجرد صدى يتردد من حولي دون أن يسمعه أحد سواي وكأنا كنت أحداث الفراغ اللا متناهي أمامي وليس والديّ فقد أصما عقليهما إلا من نداء المال، قبضتُ أسرتي ثمن البيعة الخاسرة وهي مسرورة على الرغم من علمهم بأنه من مصدر حرام. وتم زفاني وسط جو كئيب من التعاسة واللامبالاة فتخيلوا أن أمي لم تفكر حتى في توجيه أية نصيحة لي تلك الليلة أو حتى إلقاء نظرة على زينتي وماكياجتي الذي وضعته أنا على وجهي أو حتى أن تتفقد أغراضي التي أحتاج إليها في بيتي الجديد، أتعلمون ما أول شيء وضعته في حقيبتني، وضعت دروسي وكُتبي والتي كنت أتعلق بها كما يتعلق الطفل الصغير بثوب والدته خشية ضياعه منها في دروب الحياة الغامضة ودخلت داري الجديدة، عفوًا أقصد سجنني، وبمجرد أن أغلق الباب وراه بدأ بافتراسي كما يفترس الذئب ضحيته بكل وحشية ودموية، حاولت الهرب منه ولكنه لم يمهلني بل بدأ في تمزيق فستان زفاني ومعه مزق كل معنى جميل كنت أحاول رسمه لحياتي القادمة، لقد اغتصبني كما يغتصب المجرم عديم الأخلاق

ضحيته في شوارع الليل المظلمة وبين جنبات الخرائب المتهدمة، وبعد أن انتهى من جريمته تناول شرابه الكريه واستلقى على فراشه كثورٍ ضخمٍ متبلد الإحساس دون حتى أن يكلمني أو ينظر إلى وجهي وارتفع صوت شخيرهِ البغيض وهو أشبه بصوت طرق عنيف على أذني.

ولكم أن تتخيلوا فتاة في الخامسة عشر من عمرها في هذا الموقف المروع الذي اغتال آدميتها ونقاءها، أخذت أرتجف بألم وأجفف جراحي النازفة وأهدئ من روعي المتصاعد من هذا الوحش الآدمي الذي يرتدي عباءة الزوج خمس سنوات مرت من عمري دفعتها كفاتورة قاسية للجشع والطمع اللذين أعميا أبصار أهلي، خمس سنوات من عمري دفعت ثمنها غاليًا ودُقت فيها كل ألوان العذاب من ضربٍ بالسياط والنعال - أكرمكم الله - والحبس وحتى الحرمان من الطعام وكأنتي خادمة يتيمة في قضية سيد اشتراها من ماله فهو يتحكم بها كيفما يشاء.

كل ذلك لم يقهرني بقدر ما قهرني وجعلني أنزف من الداخل، حرماني من الدراسة ورفضه التام لذهابي إليها أو حتى لانتسابي وأدائي للاختبار نهاية العام، أصبحت أشبه بهيكل عظمي نتيجة الهم والغم الذي أصابني بسبب حرماني من الدراسة ولكن الله الرزاق الرحيم يشاء أن يهيني أطفالاً يشغلونني عن كثرة التفكير بحرماني من الدراسة التي أعشقها إلى درجة لا يتصورها إنسان، أنجبت ولدين وبنتا خلال خمس سنوات فقط وأنا في العشرين من عمري لقد عاهدت نفسي أن أجنب أطفالٍ جميع ما مرتت به في طفولتي من ألم الإهمال وعدم الإحساس بالأبناء، ولكن أتى لي ذلك وأبوهم إنسان متجرد من شرف الأبوة فبمجرد أن يشرب الخمر ويصبح ثملًا فإنه يقوم بضربي وإيهاهم على أنفه الأسباب أتدرون أنني في أغلب الليالي الطويلة كنت أحتضنهم وأنام وإيهاهم ونحن جالسون خوفًا من أن يقوم بقتلنا كما

كان يتوعد دائماً، أما حين يكون بحاجة للمخدر ولا يجده فإنه يقوم بتحطيم الأثاث وتكسير الأواني وطردي مع أطفالي إلى الشارع وكثيراً ما قام جيراننا الطيبون بإيوائنا رحمة وشفقة بنا ولعلكم تتساءلون عن والديّ ودورهما في مساعدتي؟

اسمحوا لي أن أصدمكم بقولي إنهما لم يحركا ساكناً تجاه ما يريانه من أحداث مؤلمة تحيط بي وكاد اليأس أن يتسلل إلى نفسي من هذه الحياة السوداء النعيسة التي أعيشها ولكن قوة إيماني بري كانت تحول بيني وبين هذا الشبح البغيض دعوت الله في تلك الليالي المدهلّمة أن يفرج كربى ويزيل عني هذا البلاء الذي تعجز نفسي المرهفة على احتماله! واستجاب الله لدعائى.

ففى ذات يوم سمعت صراخ الجيران من حولنا وهم ينادون علىّ (يا أم فلان زوجك زوجك) ركضت أنا وأطفالي مسرعين خرجنا من الدار لنرى ما حدث لقد قام زوجى السكير بالعراك مع رجل من زبائنه اختلف وإياه على ثمن قطعة هيروين فتطاعنا بالسكين قطعنه زوجى طعنات قاتلة فمات على الفور.

لقد شاهدت زوجى المجرم وقد تلطخت ملابسه بالدماء وهو يرتجف بين أيدي رجال الشرطة، كما يرتجف الفأر المذعور حين يقع فى المصيدة، كانت شفتاه تميلان إلى اللون الأبيض من هول الموقف، وأطرافه بالكاد تحمله، أما عيناه فكانتا زائغتين ينظر إلى الناس من حوله بذهول أما أنا فلا تسألونى عن مشاعرى المضطربة حينها، لا أدري أهى لحظات سعادة، أم شماتة انتظرتها من زمن طويل، أم هى مشاعر ألم هيجتها ذكرياتى المؤلمة، لم أشعر إلا وأنا أردد لا شعورياً، الحمد لله الحمد لله، تذكرت تلك الليلة الحزينة ليلة زفانى الأليمة حين وجه طعناته النافذة، واغتصبنى بقسوة رجل سكير يحمل بين

جنبه قلبًا من صخر لا رحمة فيه ولا شفقة، تذكرت جراحي النازفة
وثيابي الممزقة، وارتجافي بين يديه بخوف، لم أكن أعلم إلى أين أفر؟ ولم
يكن لي مهرب تذكرت دموعي الساخنة في تلك الليلة السوداء.

يا إلهي ها هو الزمن يعيد تصويره العجيب، إنه اليوم في نفس
موقعي بالأمس، يا لها من دنيا عجيبة وبعد أسبوع فقط من القبض
عليه وقبل حتى إن تبدأ محاكمته، أصدرت عدالة السماء حكمها
فمات بعد ارتفاع الضغط وإصابته بنزيف دماغي، أتتخيلون البلبل
الصغير حين يُفْتَح له باب القفص فجأة فيتردد في الانطلاق ظنًا منه
أن ذلك حلم، كنت أنا مثله تمامًا، بصقت على دولاب ملابسه وعلى
كووس خمره القذرة وعلى سوطه الذي ألهب جسدي وجسد أطفاله
من ضرباته المؤلمة بصقت على كل شبر في منزلي سار عليه ودنسه
برجليه الكريهتين، وجاءت أسرتي تعزيني بوفاته وأنا التي لم أرهم منذ
سنتين فكانت أول كلمة قالتها أُمِّي حتى قبل أن تقبلني: "الله يرحمه
هل عنده ورث؟!!" ولولا خوفاً من الله لطردها وطردهم جميعًا،
ومن تصارييف رب القدر أن زوجي كان مَدِينَا وحين علمت أسرتي بذلك
لم أعد أراهم، فقد خافوا أن أشكّل عليهم عبئًا إضافيًا أنا وأطفالي،
شعرت بالألم الممزوج بالقهر، فيا لها من بيعة خاسرة تلك البيعة التي
أبرمها أهلي مع ذلك الجلاد.. خمس سنوات من عمري ضاعت، وحين
كان أهلي يستعدون لجني الأرباح وجدوا أن الأسهم كانت خاسرة
ففضلوا الهرب بعيدًا.

جلست أفكر مليًا؛ فأنا الآن أمام مفترق الطرق، فأنا أرملة
جميلة في العشرين من عمري لدي ثلاثة أطفال، وليس لدي مورد
رزق ماذا أفعل؟! أمامي طريقان أسلكهما، الأول هو طريق الكفاح
والصبر والأمل البعيد، والثاني: طريق الكسب السريع حين أبيع أنوثتي
للاغبين في امرأة جميلة ووحيدة، اخترت الطريق الأول بلا تردد فأهم

شيء حصلت عليه من رحلتي المؤلمة أنني أصبحت حرة ليس لهؤلاء عديمي الرحمة والشفقة قيد على فكان أول ما فعلته أنني بعثت آخر قطعة ذهب خبأتها عندي بمبلغ لا بأس به ورحلت عن هذا المنزل الكريه الذي شهد أسوأ ذكرياتي وانتقلت أنا وأطفالي إلى مدينة بعيدة وهناك استأجرت غرفة صغيرة بحمامها، واشترت موقدًا صغيرًا، وسريراً مستعملًا ليضممني أنا وأطفالي، وبعض الأواني القديمة المستعملة، أعترف أنها كانت غرفة حقيرة حتى في نظر الفقراء، ولكن ما جعلها مثل الحلم بنظري هو أنني وحدي فيها مع أطفالي فأنا التي أعدد مصيري بعد إرادة الله طبعًا فلا أحد بعد اليوم سيرسم لي طريق حياتي البائسة.

بدأت أبحث عن عملٍ شريفٍ أعيش منه أنا وصغاري، ولقد سخر الله لي حيرانًا طيبين ساعدوني كثيرًا؛ فقد كانوا يتصدقون علينا ببعض الطعام والملابس القديمة وأحسنوا إليّ فجزاهم الله عني خير الجزاء ووجدت عملاً حكوميًا كمستخدمة في إحدى المدارس الثانوية القريبة من بيتي، ولا أنسى أول راتب قبضته في حياتي، صحيح أنه كان بسيطًا ولكن دموعي انهمرت من عيني لحظة تسلمه، بكيت كثيرًا، وحمدت الله على رزقه وإعانتني على لقمة العيش الشريفة، اشتريت لأطفالي ملابس جديدة وألعابًا وطعامًا طيبًا، ولأول مرة منذ أربعة أشهر أطبخ لحمًا ودجاجًا لأطفالي، وأشتري لهم بسكويتًا وشوكولاته، كنت أرى السعادة تراقص في أعينهم وهم يتلذذون بما أحضر لهم خاصة حين هجرنا الخوف من ذلك المجرم الذي كان يضربنا في كل لحظة وكأننا كلاب شريرة جاءت تتسول على بابيه.

مرت سنة كاملة على وأنا في وظيفتي، استطعت خلالها أن أكسب احترام مديرتي وتعاطف المعلمات وحُب الطالبات بما منحني الله من تفاني بالعمل وإخلاص، وذات يوم سألت نفسي لم لا أكمل تعليمي

الثانوي خاصة أنني في مدرسة ثانوية وعرضت الأمر على مديرتي فشجعتني كثيراً وفعلاً قدمت أوراق انتسابي، وكانت صدمة أن ابني البكر يدرس في الصف الأول الابتدائي وأنا في الصف الأول الثانوي، اجتهدت كثيراً في دراستي على الرغم من الأحمال الملقاة على عاتقي كأُم وموظفة وطالبة، وفي خلال ثلاث سنوات حصلت على شهادة الثانوية العامة بنسبة سبع وتسعين بالمائة، وكانت هذه النسبة مفاجأة لكل من حولي، بكيّت كثيراً وأنا أرى ثمار جهدي بدأت تنضج.

انتقلت من عملي كمستخدمة وقدمت على وظيفة كاتبة في إحدى الدوائر الحكومية براتب جديد بالإضافة إلى تقديم أوراق انتسابي الي الجامعة قسم التربية الإسلامية، استأجرت شقة صغيرة مكونة من غرفتين وصالة ومطبخ مستقل وحمّام، ولأول مرة يدخل التلفزيون إلى بيتنا بعد أن أخذت سُلفة من البنك أثّثت فيها الشقة أثاثاً جديداً صحيح أنه كان بسيطاً، ولكنه لم يكن مستعملاً، وبدأت أرتاح نوعاً ما في حياتي، خاصة أن أطفالي جميعهم دخلوا المدارس وأصبحوا من المتفوقين دراسياً وأخلاقياً، اشترت لأطفالي ما كانت نفوسهم تهفو إليه من ألعاب رخيصة وملابس بسيطة وحاولت قدر الإمكان أن أعوضهم عن حاجتهم إلى العائلة الكبيرة، فكوّنت صداقات عميقة مع زميلات وأخوات في الله، كن نعم العون لي؛ فكنا نذهب في نزهات وزيارات سوياً نروّج عن أطفالنا، والذي كان يثلج صدري ويمنحني الصبر والأمل هو نظرات الحب التي كنت أراها في عيون أطفالي وتلك القبلات اللذيذة التي كانوا يعطرونني بها بمناسبة أو بدونها، مرت أربع سنوات عصيبة حصلت فيها على البكالوريوس بتقدير امتياز مع مرتبة الشرف الأولى ثم استقلت من عملي ككاتبة وتم تعييني معلمة في مدرسة ثانوية.

كان ابني الكبير في الثالثة عشر من عمره حين أصبحت معلمة احتضنني بقوة وهو لا يكاد يغالب دموعه قائلاً: "أمي أنا فخور بك أنت أعظم أم في العالم" واحتضنتهم جميعاً وظللنا نبي بلا شعور لساعات طويلة، ولأول مرة في حياتي أقبض مرتباً ضخماً، تصدقت بنصفه كشكرٍ لله على نعمه المتواليّة عليّ وبها يسّر لي من أسباب الرزق، وبنصفه الباقي اشتريت لأطفالي جميع ما يحتاجون إليه، وبدأت فيما بعد أدّخر جزءاً كبيراً منه لبناء منزل خاص بنا، وقدمت على الماجستير وحصلت عليها خلال سنتين فقط بتقدير امتياز مع مرتبة الشرف.

وبدأت في بناء منزلنا الكبير المكوّن من طابقين به عشر غرف وصالتان ومطبخ ومستودع وحديقة كبيرة ومسبح جميل وقدمت على الدكتوراه، وكان مشوارها صعباً جداً خاصة أن أطفالي بدءوا يكبرون ويتدرجون في فصولهم؛ فكان الإرهاق يكاد يقتلني أحياناً وأنا أشتت نفسي بين عملي كمعلمة وبين مذاكرتي للدكتوراه وأبحاثي، وبين مذاكرة أولادي، وبين الإشراف على البناء والتأثيث والذي كان أثاثاً فخماً ورائعاً، وحصلت خلالها على درجة الدكتوراه وبامتياز أيضاً مع مرتبة الشرف وتم تعييني كأستاذة في الجامعة، وأنا في السابعة والثلاثين من عمري، أتعلمون لحظة تسلّمي لشهادتي بمن فكرت؟؟ لقد فكرت بأمي، ترى لو رأنتني في هذا المشهد فهل كانت ستبكي من الفرح، أو أنها ستسألني عن العائد المادي الذي سأجنيه من وراء ذلك!؟

ولكن لا تعتقدوا أي إنسانة عاقبة لوالدي أو أنني لم أحاول صلتها فيما مضى بالعكس لقد ذهبت إليها أكثر من مرة خلال مشوار حياتي فوجدتها كما هي لم تتغير تتسكع بين بيوت الجيران وتهفو إلى المال دائماً أيّاً كان مصدره حتى إنها كثيراً لا تسأل شقيقاتي من أين يأتين بالمال بل أهم من ذلك أن يعطينها شيئاً منه، أما والدي فقد توفي

بعد زوجي بسنة واحدة، اقتطعت جزءاً من مرتبي شهرياً، وكنت أرسله لها بانتظام الي إن توفاهها الله بعد ذلك، أما إخوتي وأخواتي فلم يكن يشرفني التعرف إليهم أو تواجدهم في حياتي، فابتعدت عنهم من أجل أبنائي. ابتسمت الحياة لي بعد عبوس طويل؛ فها أنا الآن لي مركزي الاجتماعي، وأعيش في بيت فخم، وعندى الخدم والسائقون، وأبنائي جميعهم قد تخرجوا من جامعاتهم العلمية، فابني الكبير أصبح طبيباً جراحاً والآخر مهندساً معمارياً والصغرى طبيبة أطفال، وقد زوجتهم جميعاً وأصرّ ابني الكبير أن يعيش هو وزوجته معي فملأوا عليّ البيت بالحياة وضحكات الأحفاد وها أنا الآن في الخامسة والخمسين من عمري ما زلت أحتفظ بمسحة من جمالي برغم جميع الظروف التي مررت بها.

قصتي هذه أهديتها إلى كل يائس ومحبط، لعلّ بها من بصيص الأمل ما يبدد لحظات اليأس في حياته!!

وصدقوني لو استسلمت لليأس ولحظاته المريرة لما وصلت إلى هذه الحياة التي أعيشها الآن بفضل الله سبحانه وتعالى، ثم بفضل تمسّكي بالأمل رغم كل الخطوب من حولي.

اليأس قاتل حين يشرع له أبوابنا كضيف ثقيل لا يبالي بمشاعر الآخرين..
فيا أيها اليائس، إياك أن تفتح له بابك وإن ادلهمت من حولك الصعاب!!

فصدقوني، ومن تجربة خضتها واستطعت النجاح فيها، ليس هناك أجمل من التفاؤل والتشبث بالأمل حتى وإن كان صغيراً.
والأهم هو عدم اليأس من رحمة الله (الأمل البعيد قصة حقيقية)

الختام

إستنتى، إوعى تكسل تقرأه، ده ليك إنت، أيوه والله ليك يا اللي
قطعت كل المسافة دي وجيت يا معاليك، يا اللي خصصتلي يوم من
أيامك مخصوص عشان توصل لهننا، أنا فخور كل الفخر إن الكتاب ده
معاك الآن، ومؤمن إنكم إنتوا الأهل والسند والصحاب والعزوة اللي
بجد، إنتوا نعمة ربنا على الأرض، فربنا يديم وجودكم.
وأخيراً..

رجاء كل الرجاء فهم ما دوّن هنا كما يجب أن يفهم وأستسمحكم
عذراً أن تلتمسوا أي خطأ كتابي وردّ هنا سواء من المؤلف أو الناشر
فكلنا نخضع لقواعد البشر المعرّضة للخطأ والنسيان.
أشكر كل متابع يتابعني اسمًا وشخصًا..

وأتمنى أن ينال هذا الإصدار توقعه الشخصي فيه، اقتبسسه وقرر
أن يضيفه لمقتنياته الورقية، أدام الله وجودكم، وطيب قلوبكم، وسهّل
أموركم بالخير.

الفهرس

7	ولا يهمك..
11	المسامح كريم
15	تفاءل
19	خايف من بكرة
25	من وسط الناس!
29	بعد مدة
33	الا عودة
37	ما تزعلش
41	هل يُحبك الله
51	"عسى إن تكرهوا شيئاً وهو خير لكم"
55	هَاجِر
59	التفاصيل
63	تراكمات
67	مساحة
71	الصدمة
75	بخاف
79	نصيحة
81	ما بين الحقيقة والشك حياة

8512:00 PM
89 الانتظار
93 كل حاجة بوقتها
97 نهاية البداية
99 From zero to 100
103 الويك إند
107 لا بُد من الحياة حياة
111 كُنَّا
113 أرق من الخيط
115 المصلحة
117 عشان نحب
119 الصبر
123 بخاف
125 القهوة
127 انفصلنا
129 الخيانة
131 الأمل
143 الختام

